

TÜRK TARİHİ KURUMU

B
4



TÜRK TARİH KURUMU
KÜTÜPHANESİ

KAYIT No. 6045

YER No. B/4100

OSMAN FERİT SAĞLAM'IN
TÜRK TARİH KURUMUNA
ARMAĞANIDIR

مُدْحَتِ پاشنا

و

رفقاسنک محاکمه سی حقنده

اسباب موجبه بی حاوی
صاف سلفه کاندید

اعاده محاکمه لایحه می



دوسعات - هلال مطبعه سی ۶۶

۱۳۲۶

۳۴۱

محکمہ تمیز جزا دارہ سی ریاستی جانب عالیہ

افندیلر من

شہید حریت مدحت پاشا مرحوم ایله رفقای فلاکتندن فخری بك افندی حقندہ در سعادت دیوان جنایتندن معطی اعلام حکمنک اسباب قانونیہ یه مبنی اعادہ تدقیق و رؤیتیلہ مشارالہک وفخری بکک اعادہ حق و ناموسلری چند کون اقدم با استدعا طلب و اسباب ثبوتیہ لایحہ سنک ایلرودہ تقدیم قلنہ جنی عرض و علاوہ ایدلمش ایدی. مرحوم مشارالہ حقندہ ۱۲۹۷ تاریخندہ اقامہ ایدیلن دعوانک برسیاست مشؤمہ فکر منحوسیلہ تصنیع و حکام و شہودک اکا کرہ ترتیب و تلقین ایدلمش اولمسی اعتباریلہ اسباب ثبوتیہ من اوج قسمہ تقسیم ایدلمشدر :

قسم اول

دعوائی قنک اسباب ترتیب و تصنیفی

جتمکان سلطان عبدالعزیز خان حضرتلرینک خلی ایله تحت عثمانیہ انجلاس ایدیلن سلطان مراد خان حضرتلرینک یوم بیعتدن بدأ تظاهر و کیتدیجکے تشدد ایدن خسته لیکلری سببیلہ ذات هایونلرندن منتظر اولان اصلاحات اساسینک ساحه حصوله ایصالی امرندہ کی مشکلاتک هیئت و کلاجه تأمل و قانون اساسینک زمان و صورت اعلانک تذکر ایدلدیکی بر صرہده :
ماجرادن خبردار اولان و او زمان ولی عهد سلطنت بولنان عبدالحمید افندی بر طرفدن انکلیز سفیری سیر « هانری آلیوت » جنابلرینک لوندره مطبوعاتیله نشر اولنان راپوری () ترجمه سندن مستبان اوله جنی اوزره سفیر مشارالیه کوندر دیکی بر معتمدی واسطه سیله « انکلترده طبع ایدیلن مائی کتابلری ترجمه ایتدییره رک کال دقتله نظر مطالعه دن کچوردیکی جهتله اداره حکومت انه کچدیکی حالده جاری اولان سوء استعمالاتک اوکنی آله جنفی و آهالی بی و مطبوعاتی حر براقرق کرک پولتیقیه و کرک علوم و فنونه دائر مباحثاته مأذونیت ویره چکنی والحاصل اداره ملتجه طوته جنی اصول هروجهله واسع و حریتپرورانه اوله جنفی « صورت قطعیده بیان و تبلیغ ایتدیرمش و دیگر طرفدن وکلای حاضر یه دخی عینی تبلیغات و تأمیناتده بولمش اولمسیله



6045
B.4100

۱۲۹۳ سنه سی شعبانک اون التیسنده تخت سلطنته اجلاس ایدلشدرکه سلطنت مرادک اعاده صحتی تقدیرنده سلطنتدن فراغت ایده جکئی ناطق برده سند امضا واعطا ایلدیکی متواتردر . اره دن چوق زمان کچمکسزین عبدالحمد نانی تمهدات واقعه سنندن نکول ایدرک بر حکومت مشروطه یرینه کنندی حکومت شخصیه ومستبده سنی تأسیس وترصینه بدأ ومباشرت ایشدر . مثلاً شرائط اجلاسدن بریده قانون اساسینک اعلانی بولندیغی معلوم اولوب عبدالحمد بو اعلانی درت آی تمديد وتأخیر ایش و مدحت پاشا ايله تعاطی ایلدیکی بهض مخبرات حریتله استبدادک ایلک مصادماتی مصور بولمشدر . عبدالحمد هر صرتله قانون اساسینک نشر واعلانی تأخیر وتعویق طریقلسنه تشبث ایدرک کندینه طرفدار پیدا ایش و حتی مجلس وکلاجه مذاکره اولندیغی ائاده احکام عدلیه ناظری جودت پاشا «مادامکه مقام معالی سلطنته عبدالحمد کی بر پادشاه عاقل جلوس ایشدر او حالده قانون اساسینک اعلانه لزوم قالمشدر» مطالعه سنی ایراد ایشدر .

مدحت پاشا ایسه عزم مجاهدانه سننده ثبوت ودوام ایلدیکندن اگر سائر وکلادخی قانون اساسینک لزوم اعلانی تصدیقه تردد ایدیورلرسه صدارتدن هان استعفا ایده جکئی بیان ايله استحصال مقصده موفق اولمش و مجلس وکلاجه قبول اولنان قانون اساسی لایحه سنی پادشاهه عرض ایش و بویاسه عبدالحمد غیظ و کیننی تولید بو آورده تعاطی ایدیلان معروضات وتذاکره مضمونلری آمال انتقا مجویانه سنی تشدید ایش اولمقدنناشی اوراق مذکورهدن بهضیلرینک عیناً درجه مجبوریته الویره مشدر شویله که :

اوراق مربوطه دن () نومرولی عبدالحمد امضالی تذکره ده « لایحه معروضه نك احکام شامله سننده اصول واستعداد مملکته موافق اولمایان شیلر کورلشدر . افکار من مملکتک تأمین استقباله کفالت ایده جک بر اداره صحیحه وضعنه مصروف اولدیغندن بو بایده ابراز اولنه جق مساعی باعث تقدیر من اولور . قالدی که اتخاذ اولنه جق تنظیمات جدیدده تبه مزک احتیاجاتک حقوق حکومتله تالیفی دخی اعز مقصد مزنددر . بنا برین لایحه مذکوره خواص وکلامن بیننده بالذکر اساس مذکوره کوره تعدیل اولنمق مطلوب مدر » دیشدر .

طلب واقع عادتاً حقوق مطلقه حکمداری به خلل کلامک شرطیه بر قانون یاپیلیمی زمیننده اولوب حالبوکه حریتله اسارتک اجتماعی قابل اوله میه جغندن بجه تصحیح فکر ایچون صرف ایدیلن مساعی ثمره دار اولما مشدر . انجیق :

روال ملاقاتی عقینده استحقار حیانه حرکتیه قیام ایدن ایکنجی و اوچنجی اردولر من ضابطان و امرا و افراد عسکریه سی طرفندن کوستریلان سونکو اوجنه خاقان مخلوعک طیانهمیه رق ۱۰ تموز سنه ۳۲۴ تاریخنده ظاهراً اطاعتله و باطناً کراهته مشروطیتی اعلان ایلدیکی وینه بونی استرداد فکری ده الدن بر اقدینی مثللو اولوقت دخی بوسنه وهرسک وقره طاغ و صربستانده سرنمای ظهور اولان قاریشقلقر وروم ایلی ولایاتک اصلاحاتی حقنده دول معظمه طرفندن

ایدیلن ناقابل قبول تکلیفلر و حکومتک عسکر دن بشقه بر شینه مالک اولماسی طولایسیله اعلان حربده کی کافتلر جکرگاه ملندن قان آقندیغی بر صروده یعنی :

۱۱ ذی القعدة سنه ۲۹۳ تاریخیه مدحت پاشا طرفندن عبدالحمد کوندریلان و بر صورتی مربوطاً تقدیم قلنان () نومرولی مکتوبده عیناً او قوندیغی اوزره قانون اساسی لایحه سنک تکرار مذاکره عرض ایلدیکی بختندن صکره قالدی که پادشاهه ودولت علیه لرینه اولان عبودیت و صداقت عاجزانه مک قوه مبرمه و مجبره سیله شوراسنی تکراره جسارت ایدرکه بو کونکی حالمزک ایکی مخرجی اولوب بتون دولتره وعد واعلان اولندیغی وجهه اداره داخلیه مزک اصلاحی ایچون بویله بر شی یاپوب قونفرانس تشککدن اول منع ایشدر . و بونک مدتنه نهایت اوج درت کون قالمشدر . دیکری ایسه دولترک حاضر لدفتری تکلیفاتی قبول ایدوب الی الابد انلرک وصایای التده یشامقنی اختیار ایشدر . برنجی صورت یالماز و یاخود یاپیلیمی اوزایوبده قونفرانسک اجتماعدن اول اعلان ایدلر ایسه شق ثانی حاضر ومقرر در : دیشدر .

مدحت و ضیا پاشالر و نامق کال بک و دیگر عزمکاران حریتک بوراجه و آوروپاجه صحه عنایت ومطوعاته وضع ایشدرکی بو بوکامائل اشعارات و اخطاراته و زمامک الجاآته بناء قانون اساسی لایحه سنک بالقبول ۲۵ کانون اول سنه ۱۲۹۲ تاریخنده اعلان و در عقب سفارات و ولایاته تبلیغ وتبشیر کیفیت ایلدیکی مثللو هر طرفده مبعوث انتخاباتی پاشالر . قونفرانسک اجتماعی تأخیر ایلر . بوسنه وهرسک ، صرب وقره طاغه مأمورلر کوندریلرک مداخله اجانبه محل قالمسزین اختلافات واقعه نك داخل و صلحاً تسویه سی چاره لرینه باقیلور . و بلغارستانه مأمورین مخصوصه سوقیه بونلرکده ترفیه احوالک ایجاب ایشدیکی وسائطک اتخاذ و اجراسنه شروع قیلنور . روسیه حکومتی ایسه چند عصرده دفعاتله ویریلان اصلاحات فرمانندن هیچ برینسک آثار فعلیه سی مشاهده ایدلماسنه نظراً قانون اساسینک دخی جدیدتن عاری ومحضاً مطالبات ومقررات واجراآت دولیه یی تعلیق وتأخیر ایچون بر تدبیر جمعی اولدیغندن بجه مطالباتده اصرار کوستردیکندن مجلس ملی عمومینک اجتماعله متفقاً اتخاذ ایلدیکی مقررات موجبجه بر حال تدافعیده حربیه حاضر اولمق ایچون تهیات عسکریه یه شروع ايله برابر استانبولده عساکر مدیه مختلطه و طشرده کواکلو طابورلرینک تشکیلله فوج فوج مرکز لرینه سوق ایلدیکی والحاصل عناصر مختلفینی توحید وتماهیت ملیکیه یی تحکیم وحیثیت ملییه یی اعلا وانشایش ورفاه عامه یی تأمین ایچون کیجه لی کوندوزلی چالشدیغی شویله بر صروده مدحت پاشا صدارتدن عزل ايله اورویایه تبعیدی ایچون تهیه قلنمش اولان عزالدین واپورینه ارکاب ایدیلور و کنندی محصول فکری اولان قانون اساسینک ۱۱۳ نجی ماده سنک حکمدار زمانه بخش ایشدیکی حقوق جمله سنندن اوله رق شو معامله نك ییلدیغی تبلیغ ایدن ذاته خطاباً مدحت پاشا « بن و ظنمدن تبعید ایدیلورم فقط استانبوله عز دتمده شوکتلو افندمزی بو سرایلرده ونده بو ملکی یرنده کوره میه جکمدن

ایدیلن خطاینگ درجه سی اولوقت تعین ایدر ایسه ده تلافی مافات ممکن اوله میه جقندن بونک عینله پادشاهه عرضنی رجا ایدرم» دیوب واپوره سوار اولور

بویله نازک بر زمانه مدحت پاشا کبی بر رجل سیاسینگ سبب فداسی ایسه ظاهر حاله بک اوغلنده برغازینوده برطوپخانه ملازمنک «مدحت پاشا دیققاتور اوله جقدر ، دیمش اولدیغنه دائر ضبطیه ناظری عمر فوزی پاشانک مهریله ایکی ژورنال ویرلمش اولسی و حقیقتده ایسه بر سفیر اجنبنیک واقع اولان القاتنک الغای مشروطیت و ادامه استبداد امرنده کی آمال ذاتیه سنه توافق ایلیدر .

عمر فوزی پاشانک تقدیم ایتدیکی ژورنالر خاقان مخلوعک الحاح والقاسیله یاپلمش شیله اولدیغنی مؤخرأ عمر فوزی پاشا از میردن حین مرورنده سوپلمش وبونی ایشیدنلر بر حیات بولمشدر .

مدحت پاشانک بغته نفی وتبعیدی طقسان درت سنه سی محرمنه مصادف اولوب اوراق میاننده بولنان ۹ محرم ۱۲۹۴ سنه تاریخلی تذکره سی بوتدیر فوق العاده جرأتکارانه نیک اتخاذینه سائق بولدیغنی اقوای احتمالانددر .

تذکره مذکوره بر وزیر فدائینک ابل آتارندن اولغله وبر ملتک اخلاق مردکانیسی نه صورتله اولق لازم کلدیکنه و پادشاهلره حقائق احوالی نقدر سرستانه سوپلمک ایجاب ایلدیکنه بر نمونه بولغله برابر اسباب غرض و خصوصتی ده ایصال بداهت ایدر اولدیغندن عیناً درج ایدلی .

X « مشروطیتی وضع واعلاندن مرادمن استبدادی رفع وذات شاهانه کزی وظائفکزه » « ایقاظ و وکلای دولتک وظائفتی تعین و ماتمزک میاننده مساوات کامله بی تأمین ایدوب ال » بر لیکله و کرچکدن ملکک اصلاحنه چالشمقدر .

« اوتوز سنه دنبری نشر ایدیلوبده احکامی اجرا اولنمان خط هایونلر کبی شمیدیکی خط هایون » « ملوکانه لری بجران حاضرک اندفاعندن صکره بیه حکمسنز قالیه جقدر . زیرا قانون اساسی بی » « اعلاندن مقصدمن یالکز مسئله شرقیه نیک حسن تسویه سنه مدار اولق و اوروپا لیلرک علیهمزه » « آچیلان آغزلر نی قیامق ایچون نمایشدن عبارت بر جمیله دکدر . بو باده ذات شاهانه لرینه » بعض ایضاحات عرض ایدهیم: »

« اول . — ذات ملوکانه لرینه عائد وظائف حکمداران کزی مطلقا بیلمیسکز . زیرا بالجمله » « حرکاتکزدن ملت نظرنده مسئول اوله جقسکز . بونک ایچون وکلای دولت و مأمورین » « حکومت اجرای وظائفدن امین اوللی درکه درت یوز سنه دنبری ملتزمی دنائته آلدیروب » « دولتزمی دوچار تدنی ایدن مدهنلکدن یقایی صیره لم . بنده کزک ذات ملوکانه لرینه » « فوق العاده رعایتم واردر . انجق احکام شرعشریفه تطبیقاً ملتزمک منافعه مضر اولان اک اوفاق »

« خصوصده بیه سزه اطاعت ایتکده معذورم . چونکه مسئولیتیم آغردر . هم وجدانمدن » « قورقارم همه وطنمک سلامت وسعادتی تأمین ایچون وجدانله متعهدم . فقط قورقارمکه » « بوافکار و افالندن طولایی ایلروده دولت بنده کزی متهم ومسئول طوتسون . شو عرض » « ایده جکم طوغری سوزلردن قلبکزشبهیه وارمسون . نه چارکه اک زیاده قورقدیغم بالآخره » « وجدانمک بنده کزی محجوب ایدوب مسئول طوتسمیله ملتکم طعن و توخینه اوغرامقدر » « ایشته بودهدشدرکه ذات شاهانه کزی تصدیع ایچون بنده کزه جرأت ویریور . پادشاهم » « عثمانیلر کندی کندیله بر نی اصلاح و اداره اقتدار نی حائز اولمیلدرلر . اصول مشورتله اداره » « اولنان بر ملتده نظام ندر بیلمیسکز . تفصیلاته حاجت یوقدر . بنده کزه امنیت ایدیکز » « افدم . بونکله برابر رجال ملتدنده امین اولکیز . پادشاهم بنده کز بر بار ثقیل ایتدیم . عثمانلی » « صفتیه اجرای وظیفه ایده جکم . بر مأمورک کندیغنی وجداناً مسئول طوتهرق اجرای افعال » « ایتمنک لزومی کبی بر وزیرده هم وجدانی هم ملتی نزدنده کندیسنی مسئول بیلمیلدر . امید » « اقتخار ایدرمکه و وجدانمک بنده کزی مسئول طوته بیه جکی بر حرکتده بولندم . فقط » « ملتک بنده کزی مسئول طوتلمرینه چالشملر نی ایسترم . هم بو حاله فخر لنورم . پادشاهم » « طقوز کون اولیورکه معروضات متقدمه بی اسعاف ایتماکده دوام بیور بیورسکز . عمله نیک » « الاتنه مشابه اولان نظامات مبره بی رد ایدیورسکز . حالبوکه آلتسنز ایش کورلمز . هنوز » « دهشتلی زلزله لردن محو وانقراض درجه سنی صاوشدیران بنای دولتی تعمیره چالشدیغمنز صروده » « سز عادتاً ییقمق ایسته یورسکز دیه بیلمیم . اگر بو اسبابه مبنی بنده کزی سرکاردن عزل » « ایدرسه کز رجا ایدرم عنان اداره بی مزاج شاهانه کزله اجرآت دولتی حال حاضرک اهمیت » « والتجاً آتیه توفیقاً امتزاج ایتدیروب قوللانه بیه جک بر ید اقتداره تودیع بیوریکز هر حاله » دیه یازلمشدر . مدحت پاشانک قلب مجروحندن سیلان ایدن قان طامه لر یله یازدیغنی بو تذکره عبدالمجیدی تدبیرش و اغضاب ایتمش وافکار عمومی عثمانیه ایله اوروپا مطبوعاتی مدحت پاشایی اوج بالایه چیقارمقده بولمش اولسی آنف العرض ساخته ژورناللرک تنظیم وتنقیدنی ایجاب ایتدیرمشدر .

مشروطیتی میدانه کتورمش اولان دیگر مجاهدین دخی مدحت پاشایی متعاقباً برر برر طاغیدیلهرق عنان اداره ایدای رجال استبداده تودیع ایدلمش ولایاتده تشکیل اولنان عساکر ملیه طابورلری طاغیدلمش ، دوچار اغتشاش اولان طونه ولایتنه کوندریلان مأمورین اصلاحیه کیرو چاغرلمش و مدحت پاشانک تبعیدندن درت ماه صکره روسیه حکومتنه جواب رد ویریلهرک اعلان حرب ایدلمک کبی ملکک محو و خرابیسنه و فقط استبدادک تأمین غلبه سنه خادم یوللره صاپلمش و هزیمت حربک تولید ایتدیکی ضعف واغتشاشات داخلیدن بالاستفاده

هان مجلس مبعوثان طاعيدلش و بردها اجتماعه دعوت ايدلسی شويله طورسون لسانه آله مامسی اسبابی استکمال ايدلشدر.

مدحت پاشانک مأثر و اجرا آتندن بمضيلری بیاندن مقصدمن پاشای مشارالیهک خدمات وطنیه سنی ذکر و تعداد اولیوب اقامه مشروطیت تنویر افکار ملت و اعمار مملکت ایچون چالیشان بر فدائی اعظمک خاقان مخلوع نظر نده نه قدر محسود و کندوسنک انظار عمومیهدن اسقاطیه طرفداراننک احای شوق و غیرتی مطلوب و مجهود اولدیفنی عرض و ایما و بناء علیه اسباب انتقامی بسط و انباده ضایعات مذکورنک جگر گاه دولته آچدینی یاره لردن افراد ملتک دلخسته و خاطر شکسته اولماسندن بالاسفاده خاقان مخلوع تخم استبدادی مزارع ملکه اکمشدر. مدحت پاشانک اوروپاده طولاشمی و رجال سیاسیة اجنبیه طرفندن مظهر حسن قبول اولسی و مقام مشیخته و دیگر مقامات علیه خطاباً اوروپادن کوندردیکی مکتوبلرله اعلان و اشاعه ایتدیکی حسیات و طنبوروی و اصلاحات کستری ایله افکار خواصی کندی لهنه او یاندر مغه باشلامسی خاقان مخلوعک خوشنه کیتدیکندن تشریفاتی کامل بک واسطه سیله مدحت پاشانک جنبه موفق اولوب ایکی آی کریده اقامت ایتدیردکن صوکره سوریه ولایتنه مأمور ایلشدر.

مدحت پاشا مقصد مضمهر حمیدیدن خبرسزجه سوریه به مواصلتنده ایلک ایشی مملکتک احوال عمومی سنی سیاست نقطه نظرندن بالتدقیق اسلافنک سوء اداره سی نتیجه سی اوله رق وطن مقدسک شو قسم مهمنک آمال اجانبه قربان ایدلش اولدیفنی ۱۷ مارت سنه ۹۵ تاریخلی غایت مفصل و مکمل بر لایحه ایله باب عالی به عرض و چاره اصلاحی اشعار ایلر.

مفردات امورک باب عالی به عرض و ویریله جک او امره توفیق معامله ایدلسی امور ولایتی اشکالین بشقه بر نتیجه به منجر اولدیغندن بحثله ولانک توسیع مأذونیتلری لزومنی طوغریدن طوغری به خاقان مخلوعه عرض ایلر.

سلطان مرادک حیات و صحتی مسائلی خاقان مخلوعی ذاتاً دلگیر ایتمکه و مدحت پاشا حقیقده کی اشعارات محلیه او همانی تشدید ایلکده اولدیفنی جهتله سلطان مراد بر حیات اولدقچه و مدحت پاشا و طرفدارلری موقع اقتدارده بولندقچه سلطنتک بقا و استمراری و حکم تفریدینک کیف مایشاء استعمالی مستحیل اوله جتی یولنده کی مطالعه سنک صحت و اصابتنه اجراءت و اشعارات مذکوره بر قاندها قناعت ویرمکه خاقان مخلوع سلطان مرادک بردها مقام سلطنته کله بیلمسی و اهمه سنی ازاله نه به متوقف ایسه انک اجراسنه و خلع و جلوس و تبدیل شکل حکومت ایشلرینه کی مسه نک قیابعد جرات ایده مامسی اسباب و وسائلنک استحضارینه قوییلور و بناء علیه بر طرفدن مدحت پاشانک توسیع مأذونیت و اصلاح احوال ولایات حقیقده کی اشعاراته جواب نم ویردیکی حالده دیگر طرفدن خصمانی موقع اقتداره کتورر مثلاً:

مدحت پاشانک خصم جانی و مشروطیتک عدوا کبری اولانلردن محمود ندیم پاشایی داخلیه

نظارتنه تعیین ایتدیکی کبی جودت پاشایی عدلیه نظارتنه و دلی نصرت پاشایی سرای مشیرلکنه و موایدن سروری افندی بی محکمه استیناف یعنی جنایت محکمه سی ریاستنه کتیرمشدر. بونلردن محمود ندیم و جودت نصرت پاشا لارک مدحت پاشا ایله تضاد افکاری و خصوصتی معلوم اولوب سروری افندی به کلهجه: بوده مدحت پاشانک طونه والیدیکی آواننده روسجق نیابتیه بر مدت معتنده بولنش و مدت قلیلهده سعایت و مفسدتی تحقق ایتش اولسنه مبنی مدحت پاشا طرفندن رأساً مأموریتندن طرد و حدود ولایتدن اخراج ایدلش ایدی.

خاقان مخلوع اراده ذاتیه سیله احمد مدحت افندی به یازدیرمش اولدیفنی اس انقلابده محمود ندیم پاشانک مساوی احوالی کندی تشریفاتدیرمش اولدیفنی حالده مذمومنی موقع اقباله ترفیع و بوکامعکوساً داماد محمود جلال الدین پاشایی طرابلس غرب والیکیه استانبولدن تبعید ایتدیکی کبی بیوک رشیدی پاشایی مغنیسیاه، شیخ الاسلام اسبق حسنه افندی بی حجازه نفی ایدوب قاضی عسکر لردن عاصم منلایی کوه تاهیه به امین افندی بی قونیه به، حسن افندی زاده حیدر منلایی اطنیه به، سیف الدین افندی بی حلبه، شروانی زاده احمد افندی بی دیار بکره، تبعید ایلش و شیخ الاسلام اسبق خیرالله افندی بی مشیخت حرم شریف مأموریتیه مدینه به کوندرمشدر.

مدحت پاشا شو حالاری کوره رک اوچ کره استعفا ایلش ایکن هر دفعه سنده بر صورتله اغفال ایله تحقیقات خفیه به اهتمام ایدلش و مدت قلیله طرفنده مدحت پاشانک سوریه ده میدانه کتوردیکی آثار نافع، خیریه و علمیه و اهالی به بخش ایتدیکی حقوق حریه طولایسیله شوراده بوراده ظنین انداز اولان «یشاسون مدحت پاشا» صدراری مابینه عکس ایتمکه برابر والی مشارالیهک سوریه قطعانی توحید ایله رأس کاره کچه جکی یولنده ژورنالر ویرلمسی و تحقیقات خفیه نک هنوز درجه مطلوبه به ایصال ایدیله مامش اولسی سببیه مدحت پاشا آیدین ولایتنه مأمور ایدلشدر.

مدحت پاشا محیط جدیدنده افکار علویه سنک تطبیقاتیه اوغراشمقده ایکن ییلدیزده برسنه اولیسی باشلامش اولان تحقیقات خفیه نک آثاری سرنمای ظهور اولمغه باشلار.

عبدالغزیز خان مرحومک اقارب و جواریسنک هیچ بریسندن مطلوبه موافق معلومات آله مدیفنی جهتله پارس سفیر اسبق منیر افندی نک زوجه سی و باش قادین افندی نک جاریه سی اولان و خاقان مشارالیهک زمان ارتحالنده آنجق اون اون ایکی باشنده بولنان برون فک خانم ایله جواریدن ذوقیاب قلفه دن بمض معلومات آلمش اولور. و بالآخره راقم وریحان آغالر تعلیمات دائره سنده سویلندیر یلور. شو اخبارات کاذبه اوزرینه فخری بکه و مصطفی پهلوانه و دیگر مصطفی و محمد انکیزیسیون زماننده بیله امثالی سبق ایتین اذیت و اشکنجه لر یابیلهرق پهلوان مصطفی ایله بوی ابادلی محمد دن دائره تلقیناتده بر قاچ سوز آلنور.

پاشا لارک غیری اولان مظنون علیهم کیجه لری مابینجی راغب و عونته ظالمه سی طرفندن اذیت

و اشکنجه لره استنطاق ایدلکاری حالد کوندوزلری عدلیه ناظرینک تحت ریاستنده ومومی ایه راغب ودیگر مابینجی محمود و بسیم بکلردن و عبداللطیف بکدن مرکب اوله رق متشکل قومیسونک تحت نظارتنده بولنان مستنطقلر طرفدن کیجه کی افاده لر ضبط ایدیلور .

بر پادشاه سراینده شو یولی تحقیقاتک یابدینی وبونک بالآخره کندوسنده تشمیلی خارج از احتمال اولدینی و بلکه اشبو تعقیبات و تحقیقاتدن مقصد یکانه کندوسنک و رشدی پاشانک افنای وجودینه مصروف بولدینی عثمانلی واجبی اجبای طرفدن از میرده مدحت پاشایه مکرراً اشعار و آوروپایه فراری لزومی علاوه و از بار و حتی واپور مخصوص بیله استیجار ایدلمش بولدینی حالد مدحت پاشا اصلاً فتور کتورمیه رک اشتغالات مأموره سینه دوام ایلر . زیرا بو مثللو معاملات تضییقه یالکیز قوانین و اصوله مخالفت درجه سنده قالمیوب آنجق دولتک قدر و ناموسنی الی الابد محو و برباد ایدم جکندن رضای عالی خلافنده اوله جفته کندی قناعت وجدانیه سنجه حکم ایدر .

و حتی اوصرفه و وقوع بولان حرکت ارض سببیه مسکنلری منهدم اولان ساقز فلاکتزدکانک ترفیه احوالی امرنده کی اجرا آتی ممنونیت شاهانه بی موجب اولدیندن بخله محظوظیت و سلام پادشاهی بی مبلغ و ذات شاهانه نک ریاستی تحتنده تشکل ایتمش اولان قومیسون مخصوص اعضا لغه تعیینی مبشر اولق اوزره غایت نوازشکارانه یازلمش اولان تحریرات و تلغرافلر مضمونلری دخی صفوت قلیبه سی ایجابجه اصابت فکریه سینه بر دلیل بیله رک یینه امور ولایتنه اهتمام ایلر . بوسره ده اجرای استکشاف ایچون یکیشر اوچر درجه ترفیع مأموریتلری اجرا و یاوران شاهانه میانه قید و قبول ایدیلن ایکی خفیه از میره کوندریلور .

منافرت عالیه طولانیسیله مدحت پاشایه خصومتی مسبق اولان شو ایکی آدمه مابین هایون اره سنده مخبرات خفیه باشلار . وارهدن بر قاچ کون کچر کچمز یعنی بیک ایکی یوز طقسان یدی سنه سی شهر مایسنک دردنجی صالی کیجه سی ساعت الی راده لرنده مدحت پاشا حکومت قوناغنده کی حرم دائره سنده وعائله سی اره سنده او یومقده ایکن حکومت قوناغی بر طابور نظامیه و ایکی طابور ردیف عسکر یله صاردیریلور .

پاشای مشارالیه بونی خبر النجه حرکت ارض سببیه ودائره بلدییه واسطه سیله آچدیرمش اولدینی قبودن بقیجه و اورادنده سواغاه آتلاز . و ایقلری اوکنه بر طاقم قورشونلر دوشدیک ایچون قورقوب راست کلدیکی بر چارشو عربه سینه رکوبله فرانسه قونسولوخانه سینه التجا ایلر . عدلیه ناظری جودت پاشا بالتلغراف تسلیم نفس ایتمنی تکلیف ایلر . مدحت پاشا ایسه حکومت حاضره نک عدالتندن امین اولدیندن حیات و ناموسنه خلل کتورلیه جکنه و محاکمه سنک علناً اجرا قلنه جفته دائر تأمینات ویرلدیکه تسلیم اوله میه جغنی بیلدیرر .

خاقان مخلوع بر طرفدن فرانسه سفارتخانه سینه متوسطلر کوندیرر و دیگر طرفدن مدحت

پاشانک نقدر خصمائی واریسه جمله سنی یعنی جودت پاشا و راغب و لطیف ایدیلرله برابر معهود چرکس حسنک برادری عثمان بکی وقوصوه ولایتی اداره یه عدم اقتدارندن بخله مأموریتنی مدحت پاشانک رد ایتمش اولدینی علی پاشا و سائر یاورانی استانبول واپورینه ارکاباً از میره سوق ایلر .

اشبو هیئتک از میره مواصلتیه ویردیکی تأمینات اوزرینه مدحت پاشایه آلدانور . چونکه بر ائت ذمتته ذاتاً امین اولدینی کی بر عدلیه ناظرینک بر پادشاه نامنه اختیار کذب و دروغ ایتمه جکنه کندی وجدانجه محاکمه ایه قناعت کتوره رک تسلیم نفس ایدر و چرکس حسنک برادری عثمان بک و علی پاشا رفاقتله واپوره کتیرلدیکنده مأمور مخصوصک طشره ده بولنسی مسئله سیله بر یچق سنه دنبرو تبلیغی تأخیر ایدیلن بر اراده موعوده کندوسنه اول وقت تبلیغ یعنی سلطان عبدالعزیزک قاتل متعمدی اولق اوزره مظنون و حتی بونی مؤید اوله رق بر چوق دلائل و امارات و اقرار و اعترافات موجود اولدینی تفهیم ایدیلور . و مدحت پاشانک قوصوه ولایتنه لایق کورمدیکی علی پاشانک کندیسنه خلف اوله رق ایدین ولایتنه تعیینی اول ساعتده اجرا قلنورکه مدحت پاشانک ایم شهادتی ایشته شو کیجه دن اعتباراً باشلامشدر .

بوراجقده دیگر بر وقعه مهمدی عرض و بیانه مجبورز . الی دفعه صدارت ویدی کره سر عسکرلکدن صکره منفیاً مغنیساده بولنان صدر اسبق سالدیده و اسیر فراش رشدی پاشانک دخی دزدستی و تحت الحفظ مابینه اعزامی اراده سینه ایجابندن اولسنه بی اطمینانک راپورلرینه رغماً شو زوالی سکسانک مشیر دخی اولوم یتاغندن صورت جبریده قالدیر یله زق مذکور یتاق ایچنده از میر ریختمنه قدر کتوریلور . و بوندن ده ایلرو سوروکلمسنه امکان اولدینغه محلی قومیسونجه هر نصله قناعت کلش اولغله رشدی پاشا از میرده براغیلور . و بالآخره منفا سینه اعاده ایه حبسه آتیلور ایسه ده ارهدن چوق زمان کچمکسزین و دیگر لرینک هدف اولدقلری جور و جفالری کورمکسزین حبسخانه ده ترک حیات ایلر .

مدحت پاشایه کمنجه : مشارالیه عدلیه ناظری جودت پاشا استیناف مدعی عمومی عبداللطیف بکک حضور یله استنطاق ایدیلور . چرکس حسنک برادری عثمان بکده محافظلق یاپار . کیجه یاریلرینه قدر تحقیقاته دوامدنصکره مأمورین یتاب قاهره ق واپورک برنجی موقعی قاره لرنده استراحت بیورلر . اوتوز میلیونلق زوالی ملتک ایقلرنده چاقیلی ، بیونلرنده طاقیلی اولان زنجیر اسارتی پارچه ایوبده افراد ملته حق طبیعی سنی بخش ایچون اوغراشان و عبدالحمید ایه چارپشان بو وطن فدائیسنی واپور چرخلرینک اتصالننده کی اوفاجق بر طاقه اوطه سینه صوقوشدیرلر . حیفا که اوراده ده راحت بر اقلرلر . مذکور اوطه نک قپوسنه ترتیب ایدیلن نوبتخیر بالالتزام صباحه قدر مملکتلری شریقلری و صحتلریله وقت کچوردکلرندن مدحت پاشا او کیجه دخی

اویقوی یوزی کورمز . خصوصیه اشای مصاحبهده مرقوم بکجیلر « بونی اولدیرمک ایچون کتوریورلر آصاقلر دیه سویلشورلر .

مدحت پاشا صباحه قدر بونلری دیکلر . حامی حقیقت اولسی لازم کلن عدلیه ناظرینه و احکام قانونیه نك حس جریان و محافظه سنه مأمور بولنان استیناف مدعی عمومیسنه صباحلین اخبار مسموعات ایلر ایشهده تشفیة صدری موجب بر شی یا بلدقدن بشقه اخبار مذکور آتی ده عرض ایدیله جکی اوزره افترا حکمنده تلقی اولنور . مع مافیه جودت پاشانک و لطیف بکک حضوریه صباحلین بنه استنطاق باشلار . واپور کیتدجه استنطاقده دوام ایلر . لیماه کیرلدکده واقع اولان استیذانه جواباً تبلیغ اولنان اراده سینه اوزرینه مدحت پاشا چراغانده پاشا دائره سی اسکله سته چیقاریلوب بوللری بکله یان عسکر اراسندن کچریلرک بیلدیز سراینه ایصال ایدیلور . وراغبک دلالتیه چادر کوشکنده بر او طیه قونیلور . کاغد ، قلم اورتدن قالدیریلور . اختلاطدن ممنوعیتی امری بیلدیز اصول محاکمه سی وجهله شفهاً تبلیغ اولنورکه شو معاملاتک کافه سی عبدالمیدک امر و اراده سی وجهله یا بلدینی شک وشبه دن آزاده در .

مع مافیه عدلیه ناظری جودت پاشا قومیسونک ریاستنده بولندینی حلاله چادر کوشکنده کمال کرمیتله و موقرف پاشلاری هیچ اولمازسه تناقضه دوشورمک املیه تحقیقات و ترضیقاته دوام ومظنونلری اغفال ایچون بروجه زیر مصاحبلر واسطه سیله نصایح و مواعیده اهتمام اولندینی صرمده مدحت پاشا شویله بر دعوی مزوره یوزندن دولتک یار واغیاره قارشو محکوم اوله جنی ذلتدن وقایه سی ایچون مطالعاتی شفهاً عتبه شاهانه یه عرض الیمک اوزره تفنکچی باشی طاهر آغا واسطه سیله مساعده استرحام ایلر ایشهده خیرالدین آغا ورشید بک واسطه سیله کندوسنه جواب رد ویریلور .

ایشته بر طاقم وئاق رسمیه دن اقتباس ایله شورایه قدر عرض ایدیلن احوال خاقان مخلوعک مدحت و محمود ونوری پاشاره والحاصل سلطان عبدالعزیز خان مرحومک خلغننده هم افکار و قانون اساسینک اعلاننده علاقه دار اولان موکلر مزه و رفقای محترمه و مظلومه لرینه قارشو اولان بغض وغرضنی و آمال انتقامجویانه سی اثبات ایدر اولدیغندن شوقسمک دیکر تفصیلات و بیناتی اشای محاکمه ده شفهاً سویلک اوزره قسم ثانی به نقل مقال ایلرز .

قسم ثانی

مطام مرتبه

سرلوحه دن دخی اکلاشیله جنی اوزره مدحت پاشا ورفقاسنک اجرای محاکمه سنه مأمور ایدیلن ذوات ، حریت وجدان واستقلالیت قانونیه لرینی محافظه ایدمه یبرک حکمدار مطلقک آمال انتقامجویانه سته بررواسطه و آلت اولمشلردر .

شوقسمده ویریله جک اولان ایضاحاتک موضوعی دخی اگر بر حکمدار مطلق محضا اخذ ناز ایچون بالانترام حکام تعیین ایدر و بونوره وجدانلرینک و وظیفه لرینک خلافه حکمدر ویردیرمش بولنورسه شو حال اول حکمدار مطابق شهود حقننده ده استعمال نفوذ ایش اولدیغنک دلیل قطعیسی اوله جغندن بوقسمده بسط ایدیله جک وقایع و نواقصک اسباب ثلاثه اعاده دن شاهد زور بخنی مؤید دلایل قانونیه نقطه نظرندن تدقیق و محاکمه بویورلمسی تمی ایلرز . بروجه معروض تحقیقات استنطاقیه رسیده حد ختام اولنجه دائره عدلیه دن بیلدیز کوشکنه نقل ایله اراده عقد مجلس ایش اولان هیئت اتهامیه نك مضطه سنی اله آلدیغمزده ایلمک اوکجه جنایات عدلیه ایچنده بر جنایات مدهنه یه تصادف ایلرزکه بودخی سلطان مراد خان مرحوم ووالده سی سلطان مرحومه حضرتلرینک قاتل متمعد صفتیه وجنایتله اتهام ایدلمش اولملریدر . شویله که :

رئیس بکر واعضا کال بک ودیقران اقدیلردن مرکباً تشکل ایدن هیئت اتهامیه نك استیناف مدعی عمومیسلی لطیف امضاسیله تمضی و ۱۲۹۷ حزیران سنه ۱۲۹۷ تاریخیه مؤرخ ادعا نامه سنی وشودعوانک کافه اوراقنی ۳ حزیران تاریخنده (یعنی بر ایکی ساعت ظرفنده) عریض وعمیق تدقیق ومطالعهدن صکره اتخاذ ایلدیکی اتهام قرارینی حاوی اون بش نسخه و بهر نسخه سی یکر می درت صحیفه دن عبارت وماینه مخصوص التون یالیزی کاغذله ال ایله محرر اوله رق تسطیر وتمهیر ایش اولدینی ۵ حزیران سنه ۱۲۹۷ تاریخلی مضطه نك یکر می اوچنجی صحیفه سنده مستنطق قرار نامه سته عطفاً وعیناً شو عباراته تصادف ایدلمشدر :

«... و بوجنایت وکلادن بالاده اسملری سبق ایدن مظنون علمیمک رأی وقرارلری اوزرینه تهدید واطماع ایله ایقاع و اجرا ایدلمش و بوقرار مراد اقدینک امر و اراده سی ووالده سنک دخی رأی ومعاونتیه تأید واستقرار ایش اولدیغندن و مراد اقدی اشبوامر و اراده یی ویردیکنده هنوز مختل الشعور اولدیغنی یعنی صدور ایدن اراده دن بش التي کون صکره کندوسنده

اماره جنت کورلمکه باشلادینی محقق اولوب بناء علیه مراد افندی ایله والده سنک یالکز مذنون علیهم ایله مشترکاً ذمداخل بولندقلرینک ثبوت و تحقیقه مبنی اورا قنک سوقنه قرار ویرلمش و هیئت اتهامیه جه دخی مراد افندی ایله والده سنک حرکتی مذکور قرق بشنجی ماده موجبنجه قانون جزانک یوز سکسان دردنجی ماده سی احکامنی مستلزم افعال جنائیه دن معدود اولدینی کبی تحقیقات واقعه بی حاوی اورا قده دخی اتهاملرینه کافی اقرار و اخبارات و دلائل و امارات موجود اولوب مدعی عمومینک ادعا نامه سنده محرر اسباب موجب دخی موافق نفس الامر بولندیغنه بناء و مراد افندی ایله والده سنک آمر مجبر اوله رق بالاشترک و بالواسطه امر و تعلیمات ویرمش اولدقلرندن دیکر لرینک محکمه جنایتده محاکمه لری اجرا قلمق اوزره اتهاملرینه و بولردن مراد افندی نیک مدعی عمومینک بالاده محرر ادعا سنده بیان اولندیغنی وجهله جنون مطبق ایله مجنون اولسنه بناء شمدیلک محاکمه سنه محل اولدیغنه متفقاً قرار ویرلمشدر .

هیئت اتهامیه مضبوطه سنک شو صراحتته نظراً خاقان مخلوع سلطان مرادک خلعدنن بش سنه صکره بیله جنتنه بر حکم حاکم اله ایتمش و بناء علیه هر نه زمان اعاده صحت ایدر ایسه در حال اماله یه آماده بر سیف اتهام استحضار ایلشدر . چونکه :

علی سعاوی وقعه سنی ایجاب ایتدیرن حال سلطان مرادک اکتساب صحت ایتسی اولوب اول زمانلرده صحت و جنت مسئله لری عبدالحمیدک اوهامنی اودرجه تزید و تشدید ایتمش ایدی که علی سعاوی وقعه سنندن صکره بو الفاظک مطبوعانده بیله استعمالی منع و حتی بوبابده کی دعاوی بی استماعدن حکام شرعیه و نظامیه نیک نهی اولنمسیله بیکلرجه مجنونین محجوره نیک و صیسنز براقیله رق ثروت و سامانلری محو و اتلاف ایدلیدیکی و ایتدیرلیدیکی کبی اعاده صحت ایدن نیجه بیچاره لر دخی ختام حیاتلرینه دکن حقوقنی استیفا و استرداد ایده میهرک موجودیت مادیه و معنویه لری آیاقلر آلتنده ازلمش و ازدیرلمشدر .

الحاصل سلطان مرادک صاحب مشروع سلطنت و عبدالحمیدک ایسه نائب حکومت اولسیله اصیلک محجوریتدن استیخلاصی وکیلک هیج بر وجهله ایشنه کلدیکندن عبدالحمید سلطان مشارالیهی مادام الحیات تحت جرده بولندیرمنی تصور ایتمش و شاید برکون اولوبده افکار و آرای عمومیه سلطان مرادک اعاده صحتی حسینیه تکرار اجلاس نقطه سنده اتحاد ایدر ایسه حصول مقصدلرینه بر سد سدید چکلمش اولق ایچون مدحت و محمود پاشا لر حقنده ترتیب ایتدیکی دعاوی مزوره ده کی فعل قنک آمر مجبری برادری اولدیغنی تصنیع و اعلانن چکنامشدر .

طرفداران مشروطیتی اورته دن قالدیرمق صورتیه اداره مطلقه سنده اصرار و بو اغورده بیکلرجه اولاد وطنک ابحار و انهارده بوغولسی و مجبلسرده و منفالرده آه و انین ایچنده تکمیل انفس مقدره ایلسی و ایتدیرلمسی کی تعدیات کونا کونه اجتناسار ایدن و کندیسنه طرفدار اولانلری تعیر مخصوص وجهله « انعامات و احسانات دریاسنه غرق ایلین » بر حکمدارک

خصهای حکومت شخصیه سنندن انتقام آلق ایستدیکی بر صررده اول حکمدار مطلق نامه اجرای حاکمیت ایدن اوچ ، بش بیک غروش معاشلی مأمور و حاکم لری یعنی اجیر خاصلرک و دها طوغریسی تعیر مشهوری وجهله « عبد اصدقلرک » که (عبدک قضاسی جائز دکدر) استقلال رأی لرنده کی امکانسزلق عقلاً و حکمه ناقابل انکاردر .

از جمله خاقان مخلوعک کندی منسو بینندن بر نفنکچینک الاجق ویره جک دعواسنی بیله محاکمه رؤیته مساعده ایتمز ایکن سلطان مراد کبی بر پادشاه حقنده محاکم عادیه ده تعقیبات جزائییه اجراسیله هیئت اتهامیه سوقنه و اورا جه جنایتیه اتهامه و سبب جنتله منع محاکمه سی قرارینک علی ملا الناس دیوان جنایتده اوقوتدیرلمسنه و جنت کیفیتک هر طرفه مخصوص آدمیر واسطه سیله نشر ایتدیرلمسنه و بر سلطانک افندی نامیه یاد و توسیمنه مساعده کوسترمسی غریب و شرقده کورلماش غجایعدن اولمغله برابر مذکور حکمی ویرن حکامک حریت وجدانیه دن محروم و سلطان مجبرک ترویج آماننه خدمت ایچون مأمور اولدقلرینک دلیل ظاهر یسیدر .

خاقان مخلوع بو قدرلده اکتفا ایلماشدر . مدحت و نوری و محمود پاشا لریک ییلدیزده کی محبوسیتلری هنکامنده مصاحب خیرالدین آغا و دیگر مابین منسو بیننی کرانله موقوفین نزدینه کوندره رک سلام شاهانه لری تبلیغ ایتدیرمش و بو وسیله ایله اره لرنده جریان ایدن مباحثه محاکمه خصوصه انتقال ایتدیریلهرک سلطان عبدالعزیزک قتلی سلطان مرادک و والده سنک امریله اولمشدر . پادشاه آمر مجبردر . قاتلر میدانده در . بونی بویله سویلیویررسه کز سنزه نه طوقور . سزایشی صاریه صاریویرسکز . مثلاً شمیدی شوکت مآب افندمز بریسنی اولدیرمک ایچون بکا اراده بیورسه بن امر قولی اولدیغمدن در حال امرلرینی اجرا ایدرم . کناهی صوابی کندوسنه عأددر . یولنده سوزلرله و بعض ریاکارانه حسب حاللرله اقناع و اغفاله چالیشلمش فقط مدحت پاشا « سز یاره ایله النان کوله لر دنسکز ، سز یاره بیلورسکز . بزلر ایسه آدم اولدیرمک شویله طورسون بر آدمه بر توقات بیله اوراماز ایکن سلطان مراد کبی بر پادشاه مظلوم علیه نه تصنیع و اسناد جرم دنائنه دلالت ایده میز کیدیکز پادشاهه بویله جه سویلیکز » دیه جواب ویرمشدر .

خاقان مخلوع بتون ردائت خلقیه سنی بو مسئله ده میدانه قویه رق اعدام حکمنک تفهیمندن صکرده محکوملری عفو و تخلیص و عدیله و تعلیمات مطلوبه دائره سنده اقراره دعوت ایتدیرمش ایسه ده نوری پاشادن بشقه اجابت ایدن بولنماش و پاشای مشار الیهک ضعف عقلی عقیب افاده ده تجنن ایتسیله محقق بولنمشدر .

الحاصل خاقان مخلوع سلطنت عثمانیه نیک الی الوفات کندی نفسنه انحصاری، و بتون قوای ملتک کندی شخصنده اجتماعی و اوتوز ملیونلق اهلینک کندی قول مجر دینه علی العمیا اتباعی یولنده کی فکر تحکمنک تأمین و نظمینی ایچون ولی عهد اول و ثانی حضراتی و دیگر بالجه خاندان آل عثمانی بی

بشقه بشقه بر دائره محدود و مضبوطه به حبس ايدوب افراد اهالی ايله و حتی كندی بينلرنده بيله اختلاطلرينه مساعده ايتمدكن بشقه خاندان مشار اليهمك زواياي وحدته انواع محن ومشاق ايجنده افناي وجودلری مسلكنی تعقيب ايلر، و برادری سلطان مرادی و والده سلطانی بروجه معروض قاتل متعمد اولمق اوزره محاکم صرفهده جنایتله اتهام درجهسنه قدر کتیررسه مدحت پاشا و رفقای محترمهسی علیهنده نلر یاماز! اوت .. برچوق سنلر دوام ایدن بر اداره مطلقه نك غایه طبیعیسی اولان اضمحللادن ملتك خلاصی آلمق حریت، انجق عدالت، انجق مساواتله تحصیل ایده جكنی بیلرک هیكل استبدادك تخریب و احیاسی و مشروطیت اداره نك وضع و احیاسی ايجون لایقطع اوضراشان و ضیا پاشا و نامق کال بلك و دیگر عزیمکاران حریتك معاونت و مظاهرتی ايله قانون اساسی بی اعلان ایتدیرن و فلاکت ايجنده سلامت نفسی دوشونمك قدر بیوک بر جنایت اوله به جغنی و اوتوز ملیونده بر حصه دار اوله رق حائز بولندیغنی حق تابعیتی ايجانبجه سکوت ایده میه جكنی و طوغری بی سولیک پادشاهه صداقت و یلان سولیک خیانت ایدوکنی تفریق ایدجك زمانك کلمش اولدیغندن بخله مابین ملوکانه سنك بر طاقم کاسه لیس ادانی و ارازل ریاکاراندن تطهیری ايجاب ایده جكنی عبدالحمید تحریراً اخطاردن چکنمیان و سلطان عبدالعزیز مرحومك ايجابات زمانیه و سیاسیه دن اوله رق و کال سکونت و سهولته خلغنه و بالاخره سلطان مرادك اسباب صحیه سندن ناشی عینی انتظامله کذا خلغنه و عبدالحمیدك اجلاسنه پیشوا اولان و قبل الاجلاس قید نیابتی و اعلان مشروطیتی یعنی کسر اقتدار و استقلال شخصیتنی شرط قیلان و مخالفت تقدیرنده عینی اسبابه توسل ایده جکی و تشبثاتنده موفق اوله جغنی بی استباه اولان بیوک مدحت پاشا علیهنه عبدالحمید نه یاماز و بایدیرماز ایدی! خاقان مخلوعك مدحت پاشا حقنده کی اجراءات الیه ولیئیمه سنك تفصیلاتی محاکمه به تعلیق ايله بوراده اک باشلوجه لرینك تذکار یله اکتفا ایلرز:

بدیهیات اولیه عدلیه دن اولدیغنی اوزره جرائم شهوده نك غیرى افعالده مظنون علیه بدایت محکمه سی نزدنده بولنان مستنطق حاکمک جابناه سیله دائره استنطاقه دعوت ایدیلور و مخالفتی تقدیرنده احضار اولنور. صراحت قانونیه شو مرکزده ایکن مدحت پاشا حقنده بر احضار ویا اخذ و کورت امری اولمق سزین اوچ طابور عسکرله حکومت قوناغنی اولان والی اقا تگهای نصف اللیلده باصدیرلمش و مدحت پاشا بر ولایت جسیمه والیسی ایکن دولت عاصیسی کبی قوه عسکریه ايله در دستنه قیام ایدلمش اولسی خاقان مخلوعك درجه نیظ و عداوتی و بوکا وساطت ودالات ایدنلرک ضعف و سرفروسی کوستر.

اصول محاکمه جزائیه قانوننك اونجی ماده سی منطوقجه استانبول ايجون ضابطه عدلیه وظیفه سی بدایت مدعی عمومی و مستنطقلرینه ولدی الحاجه شهر امینه و ضبطه ناظرینه و بونلرک مادونی دیگر مأمورینه محول بولندیغنی حالده استیناف مدعی عمومی سیله عدلیه ناظرینك صورت مخصوصهده بر واپوزره ارکابیه از میره اعزامی و استنطاقاتک واپورده اجراسی قوانین استنطاقیه نك طرز تلقی حمیدی دائره سنده تطبیقاتنك مبدائی در.

واپورده امتداد ایدن استنطاق و تحقیقات اموری واپورک استانبوله وصولیه ییلدیز کوشکنه نقل ایدلمش و مهد معدلت اولمق لازم کلن بو سرای خلافت نیجه معصومینك دار الحبس و جفاسی حاله کتیرلشدر.

هیئت اتهامیه نك اجتماع و مذاکره سی ايجون دائره عدلیهده مخصوص بر او طه بولندیغنی حالده اوچ کشیلک بو هیئت دخی دائره مخصوصه سندن قالدیریلوب بیت سلطانه نقل و بشیوز کشی بی استیعابه قابلیت درکار اولان استانبول محکمه جنایتی صالونی براغیلوب اهالینك تقرب ایده میه جکی ییلدیز تپه سنده مالطه کوشکی حوزه سنده چادر التنده اجرای محاکمه ایدلمشدر.

شو محاکمه نك ملغا مجلس مبعوثان دائره سنده اجراسی مجلس خاص و کلاجه قرار کیر اولمش ایکن بو قرارک عقیم بر اقل مسنه عازم و خادم اولان کیم ایدی؟ مدعوینك مقداری اوچ بیکی تجاوز ایده جکی سببیه محاکمه صالونی ییلدیز تپه لرینه نقل ایدلمش بولندیغنی حالده نیچون سامعین ايجون طبع اولنان بیلتلر کاملاً توزیع ایدلمدی؟ حد اعظمی ایکی یوزکشی بی تجاوز ایتیمان سفارتخانلر تر جانلرندن مطبوعات مخبرلرندن و علی الاکثر امرا و ضابطان مابندن و صداقتنه امنیت ایدیلن بر قاچ فرددن بشقه سنك محاکمه میداننه چیقمسنه و صدالیلرک بوش قالمسنه قیوده بکلندیریلان قیوجیلر طرفندن نیچون ممانعت کوسترلدی؟ شو تحدیدات و تقیدات هانکی قوه غالبه و جابر نك امر یله میداننه کتورلدی.

استیناف مدعی عمومی علکسانیان اوخانس بک نیچون ادر نه به کوندرلدی؟ انک رینه نیچون عبد اللطیف بک تعیین ایدلدی؟ استیناف مدعی عمومی معاونلرندن یساری زاده عارف بک نیچون ایشه قاریشدر یلیوب رینه بشقه سی اقامه اولندی؟

محمود ونوری پاشا لرو دیگر متهملر حقنده کی ضبطنامه نك مطالعه سندن منتهم اولدیغنی اوزره سروری افندی رئیس اول و خرستو فوریدیس افندی رئیس ثانی و حسین حامد و امین بکلر و حاجی توفیق و طاقفور افندیلر اعضا صفتیه الی کشیدن مرکب بر محکمه جنایت ترتیب ایدلمشدر. حالبوکه تشکیل محاکم قانونی ايجانبجه جنایت محکمه لری بر رئیس ايله درت اعضا دن ترکب ایده جکنه تشکیلات قانوننك صراحتنه و محاکم عمومیه مزک تشکیلاتنه آچیقدن آچیغه مخالف اوله رق هیئت حاکمه میاننه نتیجی بر شخص نیچون و کیمک طرفندن ونه سببیه علاوه ایدلدی؟ وشویله بر خطای فاحش نصل اولوبده محکمه تمیزک نظرینه چارپمدی؟

رئیس محکمه نك معذرتی حالنده اعضای موجوده دن قدملیسنك اکا وکالتی و دیگر بر اعضانك جالبی صورتیه تشکیل هیئت ایدیله جکی و عدد قانون سندن ناقص و یا زائد اوله رق تشکل ایدن هیئتن صدور ایدن مقررات و اعلاماتک کان لم یکن حکمنده طوتیه جغنی صراحت قانونیه ايجاب سندن بولنور و قانوناً متشکل اولیان بر هیئت طرفندن ویریلان قرارلرک اجراسی ايجاب

ایتمه‌جکی ینه اصول محاکمه قانوننده صراحة کوستریلور ایکن شو نصوص قانونیه نیچون پایمال ایدلدی؟

علی سروری افندی بی مدحت پاشا روسجقندن بحق قوغمش وشو سبیله کندوسنی رد ایتدیرمش اولدینی حالدله نصل اولوبده مدحت پاشا ینه سروری افندیکن انضمام رایله تجریم ایدلدی؟ چونکه مدحت پاشانک دیگر مهملردن بالتفریق محمود پاشا وسائر حقدنه کی دعوانک تقدیماً فصل وحسمی خصوصی سروری افندیکن تحت ریاستنده متشکل التی کشیک هیئته تودیع وکیفیت اتحارک اثر فعل خارجی اولدینی حقدنه هیئت مذکورجه اتحاد قلنان مجرمیت قراری خرستو فوریدیس افندیکن تحت ریاستنده تشکل ایدن دیگر هیئتجه بلا تدقیق قبول ایله مدحت پاشانکده مجرمیتده — فقط محاکمه‌سنده بولنمهرق — رای ویرمش اولدی. ضوابط موجوده مندرجاتیه محقق اولان شو ظلم وغدر هیئت تمیزیه‌نک نظریه نصل تصادف ایتدی؟

بغوص شاشیان افندی محکمه جنایتک اعضای دائمه‌سندن وارباب اختصاصدن اولوب طاقفور افندی ایسه محاکم حقوقیه وتجاریده بولنهرق معاملات جزایه ایله اصلاً اشتغال ایتماش ایکن شو محاکمهده بغوص افندی نیچون محکمه جنایتدن چیقاریلوب انک یرینه طاقفور افندی کتیرلدی. چونکه بالآخره اکلاشلدینی اوزره شاشیان افندی حافظ بهرام اغایه تعلق اولان بر دعوی مهمهده وامثالی خصوصاتده مایندن ویریلان وصایا و اوامری وحقی تهدیداتی اصفا ایتمه‌ک تقدیرات وجدانیه‌سی ایجابجه بهرام اغانک علیه حکم ویرمکه وامثالی دیگر دعویده متانت فکریه‌سنی بلا خوف وخشیت اظهار اثبات ایتمکه نیک نام قزاقمش بر صاحب وجدان و ناموس ایدی. طاقفور افندی ایسه کوجه اوغلی دعواسنده اجه‌المق فعلیه تحت ظن وسؤاله دوشه‌رک فیابعد مأموریت دولته استخدام اولنماق اوزره مأموریتدن طرد ایدلمش و اوچ سنه شوراده بوراده طولاشدقدن صکره هر نصلسه طبقه سفالدن تکرار بدأ ایله ینه صنف حکامه داخل اولمش واحوال ردیئه‌سنه مبنی بوکره قادرو خارجنه چیقارلمش بر آدمدر.

ایشته طاقفور افندی محافظه مأموریتی ایچون امره اتباع ایدر و بغوص افندی ایسه صدای وجدانندن بشقه بر شی طانیاز اولدینندن بغوص افندی مداومی بولندینی محکمه جنایتدن چیقاریله‌رق انک یرینه طاقفور افندی کتیرلمشدر.

عبدالحمیدک قورقدینی وبلکه‌ده تیره‌دیگی دیگر بر جهت دها وار ایدی که اوده استقامت و استقلالیت فکریه‌یله تقدیر عامه‌یی قزاقمش اولان مجار امین بکک اماله آینده کی امکانسزلاق ایدی. اشته شورالری مرتبان جنایتجه بالتأمل شاید هیئت حاکمه حسب القانون بش کشیدن عبارت اوله‌رق تشکیل ایدیلور و امین بک ایله بغوص افندی شو هیئت میاننده بولندیریلور ایسه چونکه بونلرک هر ایکسنده تقرب ویا بونلره قارشو بر کونه اعمال نفوذ قابل اوله‌میه‌جقندن وایکی کیشی برائی التزام ایتدیگی تقدیرده مجرمیت ایچون اکثریت ثلثان حاصل اوله‌میوب

بو ایسه یار واغیاره قارشو موجب ذلت وهدف مقصوده مانع وصلت اوله‌جقندن و امین بکک‌ده تبدیلنده بر چوق محذورلر کورلایکنندن مومی‌ایه‌ک دخی ابقاسیله هر احتمال قارشو امره تابع التنجی بر اعضا هیئته ادخال ایدلمشدر.

او زمان داخلیه ناظری بولنان محمود ندیم پاشانک طاقفور افندی بی نزدینه دعوتله «صاقین مدحت پاشا و سائر لهنه رای ویرمیکز یوقسه جمله‌کزده فیزانه نفی ایدیلورسکز» تهدیداتنده بولندینی کولنیکان افندیکن شهادتندن اکلاشیله‌جقدر.

محاکمه‌نک انشای جریاننده اعضای هیئتن امین بکک «بونلر هپسی دوزمه‌در. بر ذالت یاپورلرکه تعریف اولونماز» دیدیگی دیوان محاسبات باش کاتب سابق عطا بک افندیکن افاده‌سیله ثابت اوله‌جقدر.

بتون دهشتیه اظهار وجود ایدن حقایق مسروده قارشوسنده لرزه‌نک اولیه‌جق وجدان، اشک‌تأثر و تأسف دوکیه‌جک چشمان تصریر اولنورمی؟ وشو حقایقک قسم کلیسی مضمون ضوابط و دیگر معاملاتنه نظراً محکمه تمیزک معلومی بولنور ایکن هیئت مشار‌الیه‌نک دخی نور حقیقتی کورمامک ایچون عیون بصیرتی بر پرده مظلم ایله قیامش اولدینغه حکم ایدلمزی؟

تایمس غزته‌سنک مخبری اولوب شو محاکمه‌ده بالنفس حاضر بولنان و بالآخره هندستان والی عمومی مستشارلغنه ودها صکره انکلتره مجلس معوثانی اعضالغنه قدر ارتقا ایش اولسیله اقتدار و استقامتی مسلم عالم اولان «سیرماکه نزی وولس» جنابلیرنک ۲۸ مایس سنه ۱۸۸۱ تاریخیه تایمس غزته‌سنه کشیده ایلدیگی تلغرافنامه‌سنده اوقوندینی وقسماً دخی ایران سفیراسبقی محسن خان حضرتلرینک و علی پاشا و عثمان پاشا و احمد جلال‌الدین بک و احمد مدحت افندیکن علی الدرجات معلومانلرندن ومقالاتندن منضم اولدینی ومدحت پاشانک خاطر اتنده کورلدیگی اوزره بر طرفدن محکمه دیوانخانه‌سی اوله‌جق ارضک اورته یرنده یارم متره عمقنده احداث ایدیلن حفزیه مهملر دیزلمش و دیگر طرفدن دخی هیئت حاکمه‌نک مکلف قولتوقلری ارقه‌سنه التون یالدرلی ایکی عدد صندالیه قونیه‌رق بریسی عدلیه ناظری جودت پاشایه و دیگری عبد الحمیدک انکیزیسون جمعیتلری وله وحیرته بر اقه‌جق اولان هر درلو استنطاقات و محاکمته وساطت ایش بولنان مایینجی راغه تخصیص قلمشدر.

بر کره شویکی ذاتک هیئت حاکمه باشنده اوتورمسنه و آزه صره جودت پاشانک هیئت حاکمیه وراغیک ایسه هم هیئت حاکمیه وهمده استیناف مدعی عمومیسنه صورت خفیه‌ده افادته بولنسنه نه لزوم وار ایدی؟ بونلرک شو وضعیت وحركتی هیئت حاکمه‌نک رایلرینه مداخلدن وتهیدات مسبوکه‌یی تکراردن بشقه نهیه معطوف اوله‌بیلور؟ ینه اوروپا مخبرلرینک مشهوراتیه ثابت اولدینی اوزره ختام محاکمه تفهیم اوله‌رق هیئت حاکمه

مذاکره چادرینه کیردکده جودت پاشا وراغب بک واستیناف مدعی عمومی لطیف بکده چادره داخل اولیورلردی. سفارتخانه مأمورلرینک رسمی راپورلریله دخی ثابت اولان شو احوال وجدان حکامه تعرض ایدلیکنه برهان اولماز می؟

هله عدلیه ناظری جودت پاشانک ضابطه عدلیه صفتیه و برسوری مستنطق استصحاب ایدرک از میره قدر کیدوب تحقیقاته ریاست ایلمی و بعدالاتهام متهملرک استجوابی اناسنده هیئت حاکمه چادرنده حاضر بولنمی محاکمه استقلالیت حکامه مداخله سنی اثبات ایتمزی؟

بر طاقم یاوران وضابطانک دخی هیئت حاکمه نك آرقه سنده وسامعین میانده بولنوب کورک متهملرک اغرنندن و کورک حاکمک لسانندن صادر اولان معلوماتی هان خاقان مخلوعه اخبار ایتدکلری ینه مأمورین خارجیه نك جمله اشعار اتدندر .

بورایه قدر بسط وتمهید ایدیلن ویکدیگری ربط و تأیید ایلین احوال صحفه تماشایه موضوع شو بقیع درامک طوغریدن طوغری به خاقان مخلوع طرفندن اداره ایدلیکنی و مأمورین وحکام منتخبه نك ایسه عادتاً طوماس هولدنک قوقالاری کبی و بریلان اوامره توفیق حرکت صورتیه رول اوینادقلری نی قبول ایچون قناعت وجدانیه تحصیل ایتمزی؟

جمله نك معلومی اولدینی اوزره هر دعواده واز جمله قصاص ایجاب ایده بیله جک اولان قتل ماده لرنده ورثه قتل محکمه به دعوت اولنور واصله ویا وکاله محکمه ده حضور لرلیله اکتفا ایدلیوب طالب قصاص اولدقلری صورتده محکمه شرعیه به سوق ایدیلور . مذکور ضبطناه لر کوزدن کچورلدکده ورثه متوفای مشارالیهک محکمه به دعوتی ویا علی طریق الاستنباه استماع شکایتی بولنده بر قید کوریله مدیکندن عجب اولوقت مراجعت ایدلمدی ویا خود ایدلیده جواب رد می آندی سوالی وارد اولور . آتیده عرض ایدیله جک شهادت ایله ثابت اوله جقدر که والده سلطان و یوسف عزالدین افندی حضرتلری خاقان مخلوع طرفندن شفاهاً و تحریراً استفسارلره قارشو سلطان مشارالیهک منتحر اولوب مقتول اولمدیغنی صورت قطعیه ده تصدیق بیورمشلردر . اسبق بدکاندن احمد جلال الدین بکک بو خصوصه کی معلوماتنه مراجعت ایدیله جک اولورسه بو حقیقت تظاهر ایدر . ورثه متوفانک شو بیاناتنه رغماً کورک استیناف مدعی عمومی لطیف بک و کورک دیوان جنایت رئیس اول و نانیلری اتسای محاکمه ده ورثه مشارالیهک دعوی و شکایتلرندن بجنله متهملره توجیه عتاب و خطاب ایشلر ایکن شو استجوابات و بونک مستند الیهی اولق لازم کلن شکایات و مطالبات محکمه ضبطناه سنه نیچون درج ایدلامشدر .

دعوایه فوق العاده تأثیر و شمولی اولان بو و آشاییده تعداد ایدیله جک دیگر اخبارات و معلوماتک ضبطه کچورلما سی محضاً متهملرک علیه دلایل طویلامق و اهلرنده ظهور ایدن اخباراتی کتم ابلک و بالنتیجه متهملری بای حال محکوم و همده اعدام ایله محکوم طومتق ایچون هیئت حاکمه نك عزم قطعیننی اثبات ایتمزی؟

جرائم مشترکده محاکمه نك توحیدی حکم قانون ایجابندن اولوب کرچه مدحت پاشا محاکمه سی ضبطناه سنده دیگر متهملرک دخی اوراده بشقه جه موجود بولندیرلرینی تعبیریه کافه متهمینک معاً حضوری افهام ایدلمک ایستیلور ایسه ده شو حکایه خراف واقعدر .

دیگر متهملرک محاکمه سنده مدحت پاشا حاضر بولندینی مثلله مدحت پاشانک محاکمه سنده اندرک حاضر بولندینی هر ایکی ضبطناه نك مندرجاتیه محقق در . خصوصیه مدحت پاشانک « بنم علیهمه آز ، چوق شهادت ایدن کیملر ایسه کلسونلر یوزیمه قارشو سویلسونلر بنده کوره یم و طعنمی یاپیم . یوقسه بوشاهدلر حقدنه کی طعنمی اولدکن صکره می یاپه جتم » بولنده کی

شکایتلری « و اقرارندن بحث ایتدیکنز متهملر کلسونلر بولنده مواجهه مده سویلسونلر بولنده بنم یکر می التی سؤال واردر . جوابی ویرسونلر » بولنده کی مدافع لری و آتیده تفصیل ایدیله جکی اوزره بوبابده اجرا قلنسان مذاکره لر و اتخاذا اولنسان قرارلر « دیگر متهملرک

دخی اوراده بشقه جه حاضر بولندقلری « بولنده کی قول غیر صحیحک صحیح اولق اوزره ضبطه کچورلدیکنی اثبات ایدرکه بو روایتده تعداد اولنه جق دیگر امثله ایله دیوان فوق العاده جنایتک بونجه معاملات قانون شکنانه سنه ضمیمه تغییر حقیقتدن بیله چکنمدیکنی ایصال رتبه بداهت ایلر .

ایندی متهملرک جمله سی بیلدیز گوشه و بوجاقلرنده موقوف و موجود بولنور ایکن توحید محاکمه قاعده سنه نیچون رعایت ایدلدی؟ و محکمه تمیز شو هر ایکی اعلامی توحید ایله بر اعلامه ربط ایش و بنسأ علیه ابو لزوم قانونی کوروب تصدیق ایش ایکن اعلامین مذکورینی نیچون نقض ایتمدی؟ هیئت مذکوره بر محکمه می یوقسه خاقان مخلوع یدنده ملعبه می ایدی؟

محمود پاشا و فخری بک و سائر حقدنه کی ضبطناه نك مقدمه سنده متهملردن مراد افندی جنون مطبق علتنه مبتلا اولدینی ایچون محاکمه سی قابل اوله میه جفندن بحث ایدیلور . حالبوکه بومسئله ذاتاً هیئت اتهامیه مضطبه سنده موضوع بحث ایدیله رک محاکمه ایجاب اتمیه جکنه قرار ویرلمش ایکن بونک ایلک اوکجه اعلامه درجی مراد افدینک قتل سلطان ایچون آمرمچبر اولدیغنی دیوان استینافجه ده قبول و تصدیق ایتدیرمکن و سلطان مشارالیهی عامه به قارشو بر

محکمه جنایت اعلامیلده محکوم کوسترمکن بشقه نه معنایه محمول اوله بیلور؛ و خاقان مخلوعک رای منضم اولمدقچه بوکاکیم جسارت ایدر؟

مذکور ضبطناه مندرجاته نظراً اتهامنامه نك قرائتندن و سبب و کیفیت اتهامک طرف ریاستدن تفهیمندن و دعواک تشریحندن صکره متهملرک صره سیله عندالاستجواب بولنردن پهلوان مصطفی ایله حاجی محمدک « سبق ایدن اقرار و اعترافلری تمامیه تکرار » ایلدکلرینک

بیانی حاوی اولان شو درت کلهک بر جمله ایله اکتفا ایدلمش و اوراق استنطاقیه و تفرعاتنک محکمه تمیزه کوندرلماش اولمسیه متهمان مرقومانک اقرارینک ماهیتی و ذات فعله درجه مناسبت و مطابقی تدقیقات تمیزیه اناسنده ده مجهول بولنورکن حکم اعدامک مستند الیهی اولان اسبابک

مذکور ضبطناه مندرجاته نظراً اتهامنامه نك قرائتندن و سبب و کیفیت اتهامک طرف ریاستدن تفهیمندن و دعواک تشریحندن صکره متهملرک صره سیله عندالاستجواب بولنردن پهلوان مصطفی ایله حاجی محمدک « سبق ایدن اقرار و اعترافلری تمامیه تکرار » ایلدکلرینک بیانی حاوی اولان شو درت کلهک بر جمله ایله اکتفا ایدلمش و اوراق استنطاقیه و تفرعاتنک محکمه تمیزه کوندرلماش اولمسیه متهمان مرقومانک اقرارینک ماهیتی و ذات فعله درجه مناسبت و مطابقی تدقیقات تمیزیه اناسنده ده مجهول بولنورکن حکم اعدامک مستند الیهی اولان اسبابک

اولوجهه مجهولتی محکمه تمیزک نظر امعانه چارپاماش اولسی ممکناتدنی در ؟ متهلمره پایلان تضییقات و کونا کون اشکنجه لایله اغزلردن دوکدیرلمش اولان شو بی سروین کلتاک نه کبی تضییقات روحیه و جسمیه نتیجه سنده طوبلاتدیر یله بیلمش اولدیغنی الیوم بونلردن بر حیات بولنانلر افاده و اثباته مهیادرلر .

مذکور ضبطنامه نك یدنجی صحیفه سنك اڭ اشاغی سطرنده اوقوندیغنی اوزره حقوق عمومیه شاهدی اوله رق دعوت ایدیلن وایلك محاکمه ده اثبات وجود ایدن اون سکز کشینک مع القسم استماعیلرنده بونلردن اون التیسنک و ایکنجی محکمه ده دخی دیگر ایکی کشینک « مضبوط افاده لرینی علاوه و نقصان اولیه رق تکرار » ایتدکلرینک بیانیه اکتفا اولنیور . و حافظ بهرام اغا و درویش نام کسانک محمود پاشایی تکذیب ایتدکلری حکمده و اسباب موجه میاننده کوسترلیدیکی حالده بونلرده هیچ اولمزسه افاده و یا تذکره لرینک قرائتدن بیله بحث اولنیور . و الحاصل شهود نامی ویریلن بونجه کسانک افاداتی الی یومنا هذا بیلنیور و بناء علیه طقوز کشینک صلأ اعدامی و ایکی کشینک کورکه قونلمسی حکملری شهادت مجهوله یه استناد ایدلمش اولدیغنی حالده باری شوبله بر غدر علنی اولسون هیئت تمیزیه جه کورلیور .

اگرچه مذکور اون التی کشیله برلکده اثبات وجود ایدن ذوقیاب قلفه و دعاجی عمر افندی یه برر ایکشمر سوز ویریلور ایسه ده بونلرکده کندیلکلرندن دکل بر آمر مجبرک تعلیاتیله سویلدیرلمش اولدیغنی ایروده شاهد زور بحثده عرض و اثبات ایدلمک اوزره دیگر شهودک افادانه کچیلدکده ینه برنجی محاکمه ده دعوته اجابت ایتمیان درت ارکک و بر قادینک معذرت مشروعه لرندن بحثله حقلرنده هیچ بر معامله قانونیه پالقدن و هیچ اولمازسه استنباه صورتیه معلوماتلرینه مراجعت ایدلمکدن بشقه بونلرک افاده لری مدار حکم اتخاذ قلنمش ایکن شهادتلرینک ماهیتی تصریح ایدیلیرک ساده جه « صره سی کلدکجه طرف ریاستدن ویریلان امر موجهیجه افاده لری اوقوندی » سوزی ایله کچشدیرلمشدرکه اصول محاکمهی اخلال و حقوق مظلومینی ابطال ایدر اولان شو تجاوزات دخی محکمه تمیزک نظر دقتته تصادف ایتماشدر .

مذکور ضبطنامه نك سکزنجی صحیفه سنده اوقوندیغنه کوره اون طقوزنجی شاهد حسین حسنی افندی حضور محکمه یه چاغزلردن اول کندوسندن تذکره ایله صوریلور . و تذکره جوابیه سنک اثنای محاکمه ده جهراً و علناً اوقونمسی و عیناً ضبطه کچورلمسی متعاقب کندوسی دخی محکمه یه الهرق مع القسم استماع اولنیور . هیچ بر قانون و نظامه صیغمیان اشبو معامله نك سببی ایسه عاجزلرنجه شوندن عبارت اولیور یعنی هر نقدر مومی الیه حسین حسنی افندی طاغ باشنده پایلان استنطاقنده « بن کشف اعلامی ساده جه فخری بکک افاده سنه مستنداً و شیخ الاسلام خیرالله افندی نك امرینه اتباعاً یا پدم دیمش ایسه ده بالآخره محکمه ده جسارت الهرق بلکه تبدیل افاده ایدر زعمیه قبل الحاکمه تذکره جوابیه نك النمش اولسی شهیدن وارسته اولوب حسین حسنی

افندی یه قارشو بوقدر احتیاط کارانه طور اولدیغنی حالده مظنون و متهلمرک حقوقه تأثیر کلیدی اولان اعلام شرعی اثنای محاکمه ده اوقونمیور و بناء علیه خلاصه اولسون ضبطه درج ایدیلوب ساده جه ساخته در قولیله کچشدیریلور .

افاده مضبوط لرینی تکرار ایتدی دنیلان شهود میاننده برده دوقتور قاسترو بک بولنیور . بو ذاتک افاده محلفه سی یوم استماعی ضبطنده مندرج دکدر . انجق یوم استماعنک ایرتسی کونی محاکمه یه ختام ویریلوبده وکیل محمد علی افندی طرفندن جزایرلی مصطفی و فخری بکک مدافع لری اجرا اولدیغنی ائشاده « مبرز مقاص ایله قول طمارلرینک دکل حتی انسان باشنک بیله کی یله بیله جکی طیب مومی الهک شهادته استناداً و دفماً درمیان ایدلمش واستیناف مدعی عمومیسنک » دوقتور قاسترونک دونکی کون ارائه اولنان مقاص ایچون باش بیله کسر دیمه سی نقدر معتوهانه بر سوز اولدیغنی تسلیم کرده صغار و کبار اولدیغندن بو سوزلرک حائر اهمیت بر شی اولدیغنی « بیان ایلمسی متعاقب سامعین اره سنده بولنان قاسترو بکک اورتیه ایتله رق و رئیس محکمه دن رخصت الهرق » بن معتوه دکلم شو مقاص ایله شو غرتلاق شو صورتله کسلور و بو دخی تلف نفسه منجر اوله جفندن باش دخی کسلمش اولور » دیه توضیح مسئله ایلمسی تصحیح و تخفیف افاده ایدلمش اولدیغنی بولنده تفسیر ایله انجق ایکنجی کونی ضبطه بالضرور قید ایدیلورکه بونلر ده ایکی اعتراض مهم تولد ایده یور . بریسی ختام تدقیقاتک تفهمندن صکره محاکمه نك یکدن کشاد ایدلمسی و دیگر ی دخی دوقتور قاسترو بکک شهادت واقعه سنک متهلمرک لهنه اولدیغنی ایچون ضبطه درج ایدلماسی در . شو حقایق ضبطک مضمونیه میدانده طوروب طوررکن محکمه تمیز بوکا نصل اغراض عین ایده یور ؟

دیگر طیب موسیو مارکک جهت فیه حقنده کی مطالعه سی شاهد زور قسمنده عرض ایدلمک اوزره طیب مومی الیه اثنای استماعنده محل وقعه ده علی بکه بکزر برکنج ضابط کوردیکی حقنده کی افاده سی علی بکک تکذیب ایله برابر کندوسنک بولندیغنی دائره ده برقادین دخی موجود ایدوکندن مزبور نك جلب و استماعنی طلب ایتدیکی و کیمدر سؤاله جواباً دوقتور مارکل « سویلیه میه جکم » دیمش بولندیغنی حالده دوقتور مارکلدن سبب عجزی نیچون علنی و عنداللزوم خفی صورتده استیضاح ایدیلیرک متهلمرک برائته خدمت ایده جک اولان شویله بر قضیه مهمه دخی مکتوم براغیلور ؟

ینه جریده ده اوقوندیغنه کوره (طنین نومرو ۳۱۶) متهلمردن علی بک « تحقیقات لایقی وجهه یالنیور . بنم اسامیسی ویردیکم شاهدلر چاغزلیور . بنی محو ایتمک بک عظیم برحقسزلق اولور . » دیه عادتاً فریاد ایتمش ایکن بو شاهدلری رئیس محکمه باری اظهار حقه مدار اولمق اوزره نیچون جلب و استماع ایتوب موجود مستحضر ایله اکتفا ایلیور ؟

ینه مذکور جریده ده کورلیدیکی اوزره (طنین نومرو ۳۱۶) مؤکلر مزدن فخری بک

« بن فلاكتك وقوعنى ايلك اوجكه والده سلطاندن خبر آلم . سلطان مشارالها اوچنجى خزينه دار يديله مقاصى سلطان عبد العزيز مرحومه ويرمشدر . هيچ دكلسه حقيقتى تغير و تاريخى تلويت ايتماك ايجون اساميسى بيان ايلديكم قادينلىرى بورايه جلب ايديكز . والده سلطانن صوريكز . نم حقمده ذره قدر بر افادهده بولنور لرسه كندى ايجى كندم چكهرم . سلطان مشارالها حال مفدوريمه بناءً حالا بن و عائلهم حقنده اظهار لطف بيوريورلر . بورالزينك تحققتى طلب ايدرم » ديمس نه قارشو لطيف بك « مذكور استنطاقك ياليش ايدوكنى و هيئت حاكمه ايله مستنطقك موقع جنائى نظر معاينه دن كچورمش بولنقلرينى و والده سلطان ايله ديكر قادينلر اقامتگاهلر نده استنطاق ايدللكلرينى و حقيقتى ميدانه چيقارمق ايجون هر شيئك يالديغنى سويلش بولنور كن شو افادهلر و معاينه راپور و ضبطلرى و قادين اقديلر ك افادهلرى ايجون اثنائى مخاكمه اوقونمور و اعلامه درج اولنمور ؟

غسال عمر اقدينك شاهد زور ايدوكى قسم مخصوصنده بشقه جه اثبات ايديله جك ايسهده بوراده اصول مخاكمه راجع و جالب دقت ديكر بر مسئله حنوقيه يي بيانه مجبورز : ضبطنامه نك مطالعه سندن منقهم اولديغى اوزره شاهد مومى اليه مايندن آلمش اولديغى تعليمات مخصوصه يه بناءً سلطان عبدالعزيز خان مرحومك صول مسمى آلتنده بر بچاق ياره سى كورديكنى خبر ويرمشدر . ميت سلطاني يي معاينه ايدن اون طقوز اطبادن اون بشنى محكمه چاغروب صورمديغى كى بزده براقلم . مدعى بن مياننده خاقان مخلوعجه افكار و اخلاقه هر وجهه اميت ايدلن مارقو پاشا موجود ايدى . ايجون مومى اليه جلب ايله « سن كه اناطولى ساحلنده واقع قوزغنجقده كى خانه كده اوطورمقده ايكن روم ايلي ده كى فرعيه سراينك اوچنجى قانى پنجره سندن بر جسمك يره دوشديكنى و واويلا قويداغنى مشاهده ايديورسك و سلطان عبدالعزيزى عريان اوله رق معاينه ايلديكنى برنجى راپور كده بيلديريورسك بوياره يي كوردكى » ديه ايجون صورليور ؟ سن بر صاحب فن اولديغك حالده بونى كورمامك جهالت و كورديكك حالده كتم ايلك بر عظيم جنائت ايكن ايجون جمعيت طيهده ويرمش اولديغك يمى تبهلك ديمور ؟

بردهينه محكمه جنائت اعلامنده قانلى اليسهلر كتورلدى ، باقيلدى . البسهك مه آلتنده كى ياره يه تماس ايدن مخلنده كسكين آلتله ايضاح ايدلمش بر دليلك مشاهده ايدلدى دنيلور . اول امرده حاكمك مشهودات و معلوماتى مدار حكم اوله ماز . درجه ثابتهده بو مثللو مواد حصراً اهل فن طرفندن ويريله جك راپورله تحقق ايدر . خصوصيله مذكور البسهك سلطان مرحوم جسماننده ديكر بر وجوده اكسا ايله ياره يه تماس ايدوب ايتديكك ودها سائر جهاتك فناً تدقيق و توثيق ايجاب ايدر كن ايجون يالدى ؟ و محكمه تميز بونى نصل كورمدى ؟

صول مدهه كى ياره نك وجود صحتته بالفرض قناعت كتيرلم بو تقديرده سبب فوت قوللرده كى جرحه مى يوقسه مه آلتنده كى ياره ميدر ؟

وهرايكسيده سبب فوت اولمش ايسه مدهه كى ياره نك فاعلى كيمدر ؟ مادامكه مصطفي و محمد طابعاً اقرار ايديبور ايشلر بولنردن و حاضر بالمجلس مارقو پاشادن استكناه ماده ايدلك لازم ايكن ايجون يالدى ؟

جمهجه مسلم اولديغى اوزره هر بر شاهدك استماعى عقبنده اول شاهد حقنده ديه جكي متهمدن صوريلور . ضبطنامه يه نظراً بوراده اون التى و دهها ديكر درت كه جمعاً يكرمى شخص شاهد صفتيله استماع اوله رق موقع شهادتن چيقارلقدن صكره جمله سنك بردن ذات و شهادتلى حقنده ديه جكلرى متهملردن صورلمش و بناءً عليه بوبابده كى حقوق قانونيه نك استعماله و شهوده ياييله جق استله نك ايرادين ميدان ويرلماش ايكن بو دخى محكمه تميزك انظار بصيرته تصادف ايتامشدر .

جريدة مذكورهده اوقونديغنه كوره رئيس اول و ثانى هر ايكي مخاكمهده وهان هر سؤالده متهملره قارشو « سزك شو جنائى ارتكابكز شوندن و بوندن اكلاشيلور » يولنده بر طاقم تعبيرات قطعيله ايله رايلىرى يعنى اعدام حكمنك ذاتاً مستحضر بولنديغنى احساس ايتديرمشلردر . يويله هر سؤالده دكل انجق برتك سؤالده بيله رايى احساس ايتدين حاكمك هان مخاكمه دن چكلمسى و عكسى حالنده ويريلان اعلامك نقض ايدلمسى لوازم قانونيه دن اولديغى حالده محكمه تميز بونى يالدى . زيرا جريدغى اوقومدى و اوقومغده مجبور دكل ايدى ديلم . محكمه نك ضبطنامه سى الدهدر . بوكا عطف نگاه ايديلورسه كوربلوركه متهملردن محمود پاشانك اثنائى مخاكمهده « استنطاقنامهده موضوع دنيلان امضاي كوره يم » ديمسى اوزرينه رئيس محكمه « بو سزك جنائتكزدن دهها آخر بر جنائت اولور » ديمكه رايى احساس ايتديرمش و آتيده كوريله جكي اوزره مدحت پاشا حقندهده دهها شديد بر لسان ايله اعلان راي ايلشدر .

ختم تدقيقات تفهيم ايدلمكسزى مدعى عمومينك دعواسنك استماعندن صكره محمود پاشانك وكيل مدافعتى صوصديره رق اصالة و ديكر وكيل مدافعلك وكالة درميان ايلدكلرى مدافعتى رد و جرح ايدر هيچ بر سبب كوسترلديكى كى عيى حال محكمه تميزده دخى واقع اولشدر . اعلام تميزى ايشته الدهدر .

يكرمى صحيفه يي اشغال ايدن شو اعلامده اعدامه محكوم بولنان سكز كشينك اعتراضات تميزيه سنه ويريلان جواب ، اعلام مذكور ك صوك سطرنده اوقونديغى اوزره مدحت پاشانك غيرى ديكر متهملر حقنده صدور ايدن حكمنده « اصول مخاكمه جزائيه و قانون جزاجه هيچ بر سبب فسح و نقض كورلمديكى » جمله مجهوله سندن عبارت بولنور .

ايمدى بونجه نواقص اصوليه ، و قانونيه ميدانده طوروب طورر كن شو مهم بر مسئلهده و يوزلرجه خطيئات اصوليه و قانونيه مياننده ثقلت اضافيه سى درت كله و قيمت قانونيه سى بك صودن اولان بر عبارة خفيفه و مهمه ايله اعلامك تصديقى جهتنه كيدلمش اولماسى هيئت جنائيه

ایله برلکده هیئت تمیزیه نیک دخی خاقان مخلوعک تضییقات مئمره سنک دائره احاطه سندن خارجه
چیقهمادقلربی اثبات ایله .

ازان جمله عندالمحا که اثبات ایله جکی اوزره محکمه تمیزی هیئتی دخی مابینه دعوت ایلدکن
بشقه برمنطوق ارزوی حمیدی عدلیه ده کی دائره مخصوصه سنی بر اقوب یلدرضاغنده و خاقان
مخلوعک سراینده و کوزی اوکنده عقد مجلس و اتخاذ قرار ایلمش اولور ایسه آرتق بونده
عدالت و اصابت تصور اولنه بیلورمی ؟ اعلام مذکورک اسباب موجه حکمنده کی حقسنزلقلری
شاهد زور قسمنده و دیگر برچوق نواقص اصولیه و قانونیه بی شفاهاً محاکمه من انناسنده عرض
و اثبات ایلمک اوزره مدحت پاشا حقنده کی ضبطنامه یه کله لم .

بونک مطالعه سندن منفهم بیوریله جنی اوزره تشریح دعوائی متعاقب مدحت پاشا سوزه
باشلارباشلاماز طرف ریاستدن سوزی قطع ایله اولجه ترتیب قلمش اولان اسئله ایراد ایلیور .
و بونلرک غیری وقوعات و معلوماتدن مباحثه قیولری قیادیریلور . بر پادشاهک قتلی ادعای
کی فوق العاده حائز اهمیت بر مسئله حیاتیه و قانونیه و وکلای زمانک بونده مشترک اولوب
اولدقلرینک تمیزی و تفریقی کی کذا حائز اهمیت دیگر بر قضیه سیاسییه حقنده متهمک اسباب
برائت ویا اشتراکنی میدانه قویه بیله جک حادثات و وقوعاتک بیانندن محروم ایلمسی کی
حقسنزلقلر و حتی محاکمه نیک دها ایرو لرنده شو بیانات سفسطه ، و خلاف وظیفه و صددر
تویختیله متهمک حق کلامدن تأمین حرمانی مثللو عدل شکنک و پاشانک اثنای محاکمه ده دوچار
اولدینی انواع تحقیرات بو محکمه نیک حکامنجه (جالب منفعت دنیویه بولنمش اولغله برابر) موجب
مباهات اولماسه کرکدر .

اشبو ضبطنامه نیک بشنجی صحیفه سنده او قوندیغنه کوره طرف ریاستدن متهمه خطاباً « بویله
بر وقعه مهمه ده والده سلطان و سائر لرندن تحقیق کیفیت و تعمیق مسئله ایلمسی لازمه دن ایکن
بورالزینک مسکوت عنہ براغیله رقی یالکز » فخرینک قول مجردیله اکتفا ایلمسنک اسبابی
صوریلور . حین کشف و معاینه ده مدحت پاشانک تغیی درکار و بالعکس هیئت حاکمه نیک باشی
اوجنده بکله یان عدلیه ناظری جودت پاشانک حضوری آشکار ایکن شو سؤال حصرأ مدحت
پاشایه توجیه ایلیور . بونده کی عدالتسنزلکی بر طرف ایله بزلده هیئت حاکمه ایله برلکده
مدحت پاشایه حصر خطاب ایلیکمزده « بن بالنفس بویله بر خطا و نسیانده بولنمش ایسه منی
اتهام ایتمک ایسته دیککز شوسبیله سنک مسؤلیتکز تضاعف ایدر . زیرا بن اولوقت صورمدیغ
ایچون خطا ایتمش ایسه من سز یوسف عزالدین افندی حضرتلری و والده سلطانندن و جواری
سائرده دن اول و آخر شفاهاً و تحریرأ استیضاح ماده ایلیککز وقتی مکذب و اتخاری مصدق
جوابلر آلمش بولندیگکز حالد بونی کتم ایتمکله و شاید صورمامش و او بولده جواب آلامش
ایسه کز اثنای محاکمه ده با مذکره استیضاح ماده ایتمکله بیله ریک ودها مهم بر جرم ایشله یورسکز

دیمش اولسه عجباً هیئت حاکمه نه جواب ویره جک ایدی . مدحت پاشا استبداد حاکمیری
قارشوسنده و جانلر صندالیه سنده او طور مسندن متحصل هیجان سائقه سی ایله بوسوالی ایراد
ایتمش ایسه لایحه تمیزیه ده موضوع بحث ایلمیان اعتراضاتک دخی تدقیقه مأمور و مجبور اولان
محکمه تمیزی هیئتی متهمه توجیه ایلمک ایسته نیلان شو خطابه مسؤلدن زیاده سائلک مستحق
اولدینی نصل کورمامش و یاخود کورمک ایسته مه مشدر .

اتهام مضبوطه سنک خارجنده هیچ بر جرمدن بحث ایله میاجکی واضحاتدن ایکن استیناف
مدعی عمومی لطیف بک مدحت پاشانک انطالیه متصرفی طرخان بکه اسناداتده و بنی قتل ایتمک
ایچون استانبوله کتیریورلر دیو افترا ده بولنمش اولدینی ادعایرینی اورتیه سورمشدر . مدعی
عمومینک بر طرفدن مدحت پاشانک اعدامنی طلب و بناء علیه واپورده کی مسموعانک محنتی تأیید
ایتدیکی و جریان حال دخی اعدام حکمنک ذاتاً مستحضر بولندیغنی تقویه ایلیکی حالد دیگر
طرفدن اخبار مذکور ای افترا دیه توصیف و محکمه نیک بونی تعلیل ایلمسی شو محاکماتک صوری
بولندیغنه دلالت ایله .

ایشک اک غریب و مدعش اولان جهتی شودرکه مدحت پاشا علیه ادای شهادت ایتدی
دینلان یکریمی کسور کشیدن (رفعت بکک غیری) هیچ بریمی مدحت پاشانک مواجهه سنده
ادای شهادت ایتور و هیچ اولمازسه بونلرک افاده مضبوطه سی متهم مواجهه سنده قرائتله نه
دیجکی صورلیور . بیچاره مدحت پاشا بویله بر محاکمه طرفکیرانه نیک عدم جوازندن و حق
مدافعه نیک قدسیتندن بخله فلان و فلان طیلرک و فلان و فلان ضابطلرک و هیچ اولماز ایسه
علیه افاده بولنانلرک جلب و کندیسيله مواجهه سنی طلب ایتدیکی حالد شو مطالبات دخی رد
ایدیلرک توسیع تحقیقاته لزوم اولدیغنه قرار و بناء علیه ختام محاکمه تفهیم و مدعی عمومی استماع
ایدیلیور . هر دعوا ده از جمله جنحه ودها زیاده جنایت دعوا لرنده شاهد و یا خبرلرک مضمون
ویا متهمک مواجهه سنده استماعی امرنده کی احکام شرعیه و نظامیه بوسورتله پایمال ایدلیکی حالد
محکمه تمیزی نه کورمیور .

مدعی عمومی دعواسنی اکیلدنصکره سوز مدحت پاشایه کلدکده مشارالیه مواد قانونیه بی
اوقویه رقی متهملرله مواجهه سی طلبنی تکرار ایلیور . و محکمه بلذا کره رد ایتدیکی حالد
مدحت پاشا شو حق طبیعی و قانونی سنک غضبه بروجهله قانع و راضی اولیه جغندن طلب اولنده
اصرار ایلیور . رئیس محکمه ارتق طیانهمیه رقی یالکز پهلوان مصطفی نی جلب و « افادات اولیه سی »
هر نه ایسه بونی تکرار ایتدیرمش اولمس اوزرینه متهمک ایراد ایده جکی اسئله دن یکریمی التیده
بردانه سنی صورار صورمن بومسئله اهل فن و معرفتک بیله جکی شیر اولوب پهلواندن صورلمسی
ایجاب ایتمز دیه مصطفی نی سالوندن چیقاریور .
(غریبدرکه پهلوان مصطفی کویا اقرار جنایت ایدنلردن و بالنتیجه متهملردن و بالعاقبه

محکوم کردن اولدینی حالده اكا بو دعواده الك بيوك شاهد رولى اوينا تدبيرلش واقرارك حجت قاصره اولسى قاعده فقهييه سنه رغماً نفسندن غيري به شامل وسارى اوله میان وذاتاً کرها و ظاهر حالی مکذب بولسان بو اقرار بر حجت متعدیه کبی اخرلرینه دخی تشمیل اوله رق دیگرلرینک اک برنجی دلیل اتهامی عد ایدلشدن .

ایشته مدحت پاشانک مدافعات محقه سی بتکرار سفتسه کولقله محکومیتنی منتج اولیور . شو صورتله بر مهمک حق مدافعه سنک نزع ایدلدیکی کالشمس ظاهر ایکن محکمه تمیز بو نقطه لریده کوره میور .

ضبطنامه نك یدنجی صحیفه سنک اشاغی درت بش سطرنده او قوندیعی اوزره مهمک اصراری اوزرینه مذاکره چادرینه ایکنجی دفعه کیدیلهرک مذاکره کیفیت اولندقدن « مدحت پاشایه دائر اولان اتهامنامه ده موجود اخبارات ایله مهلردن حاضر بولان نوری پاشا ایله سید بک وخسته لکی جهتیه محکمه یه جلب اولنه میان محمد رشدی پاشا ایله معذرت مشروعه دن طولانی محاکمه کونی کلامش اولان داخلیه ناظر اسبقی سعید افندیکن افاده لرندن عبارت اولوب مشارالیه نوری پاشا وسید بک ومدحت پاشانک علیهنده کی افاده لرینی بللواجهه سرد و اتیان ایتدیلر و محمد رشدی پاشا ایله سعید افندیکن مضبوط اولان افاده لری دخی علناً قرائت ایتدیلدیکی حالده » دینلیورکه کرک بللواجهه اخبار معلومات و کورک علناً قرائت افادات سوزلرینک خلاف واقع اوله رق ضبطه کچورلش بولندیعی و بناء علیه کیفیت غیر صحیحه نك صحیح یرینه قونمش ایدوکی متن ضبطنامه ایله مثبت اولدینی مثللو مدحت پاشانک بو باده کی مطالبه مکرره سنک باقرار محکمه رد ایدلش اولمسیله ده ثابتدر . ایمدی هیئت تمیزیه نك شو کیفیات غیر صحیحی دخی کورمامسی و کورمش ایسه سبب نقض اتخاذ ایتماسی هیئت مشار الیهانک ده بر قوه غالبه نك تحت تأثیرنده حرکت ایدلیکنه دلالت ایتمزی ؟

محکمه جنایت اثنای تدقیقانه مذاکره سنه دوام ایله « قتل وشهادتک ید آخرله اولدینی محقق اولوب فاعلرلی اولدینی نابت اولغله محکوم درت نفر مهمونی شاهد عد ایدرک تکرار استجوابلرینی طلب ایلسی و کندوسنه عائد اولیان تدقیقات استنطاقیه لرینه مداخله ادعاسنده بولنسی موافق اصول محاکمه کوریله مدیکنه ومع مافی فاعلون مرقومونک افاده لرندن بشقه مدحت پاشانک موضوع بحث اولان قتل ماده سنده ذی مدخل اولدینی میدانه کتورر اسباب ثبوتیه متعدده اولسنه نظراً مدحت پاشانک بو باده کی اعتراضک ردیله مدافعه سنه دوام ایلسی لزومه دائر » دائر و یریلان قرار مهمه تفهیم ایدلکله مدافعه ومذاکره دن اول مهمک مجرمیتنه قرار و یرلیدیکی تحققی ایللیور .

مدحت پاشا تمیز لایحه سی یازمق ایچون یاننده کاغد بوله مدینی دهشت انکیز ساعتدرده بر کتابک ایکی پاراغنک کنارنده کی خالی محللره صیقیشدیره بیلدیکی بش نوع اعتراضات تمیزیه

میاننده شو ظلمی ، شو غدیری درج ایتماش ایسه محکمه تمیز بونی کورماملی می ایدی ؟ اکر بو قدر علنی برخطای قصدی هیئت تمیزیه کورمامزلکه کلش ایسه دیگر دقایق واسراره تنفیذ فکر ومطالعه ایدلیکنه نصل قناعت ایدیله بیلور ؟

قرار مذکورک تفهیمندن صکره « قانون دائره سنده حقوق مدافعه سی استعمال ایلسی و یاخود وکیل مدافعه ترک ایتمسی اوچ دفعه تکرار اولندقدن « بن وکیل ایله بر کره کوروشدم — که مصاحبه عادیه دن عبارت قالمشدر — ولایقیه ایشمی اکلادوب مذاکره ایده مدم » دیمسیله وکیلی شهری افندی بنی کوروشمکدن منع ایدن اولدی ومطالعندن خالی قالدیم انحق کندوسی بن مدافعاتی کندم یا به جغ سن هان یاننده بولک دیدیکنی در میان ایتمسه و بونک اوزرینه ینه کندوسی مخالفت کوسترمسنه مبنی محاکمه نك ختامی بیان اوله رق مذاکره او طه سنه — که چادرینه — عودت اولندی » دنیله یور . بزم بیلدیکنز واتنای محاکمه ده شفاهاً عرض ایده جکمز حقاقتدن قطع نظر محکمه ضبطنامه سیله ثابت اولدینی اوزره بر جرم سیاسیدن طولانی تحت محاکمه النمش اولان بروزر حق مدافعه دن محروم ایدیللیور . بچاره مهم جانی دیشنه الهزق حاکم لریله اوغراشمقده وعدالت قانونیه دن استمداد طلبنده بولمقده ایکن وکیل مدافع سکوتنده ثبات و اصرار ایدیور . و بودخی محکمه تمیزک نظر انصافه اصابت ایتمور .

متهمه وکیل مدافع تعیینده کی مقصد محکمه یه اعطای زینت و یا متهمک یانی باشنده اوطوردرق اکتساب شهرت دکلدر . وکیل مدافعک وظیفه سی احکام قانونیه خلافته اولان معاملاتده مقام ریاستی ایقاظ و حقوق معصومی احقاق در . مدحت پاشانک وکیل مدافعی محکمه نك صورت تشکله نقل مکانه ، و عدلیه ناظرینک و سائر خواص سلطانتینک حضورینه اعتراض ایتمدی . چونکه قورقدی دیلم . متهملرک معاً محاکمه لرینی طلبده نه محذور وار ایدی ؛ محاکمه نك مبدأندن منتها سنه قدر جریان ایتدیریلان معاملاتک کافه سی اصول و قانونه معايرتله ممتاز ایکن وکیل مدافع وظیفه سنک هر نقطه سنده نیچون اختیار سکوت ایتدی ؟

وکیل مدافع شهری افندی یالکوزایکی سوز سویلشدنکه بریسی اوراقی مطالعه ایتدیکنه و دیگرکی دخی مدافعه سی وجدان حکمه حواله ایدلیکنه دائر در . حالبوکه او زمان میدانده هیئت اتهامیه مضبوطه سندن بشقه اوراق یوق ایدی . زیرا اوراق دعوائی احتوا ایدن بیاض صندیغک اناختاری عبدالحمیدک یدحفظنده بولنه یور ایدی . او قودینی اوراق نه اوله بیلور ؟ مضبوطه ایسه اوراق اصلیه کورلمدکجه بوندن استکنانه حقیقت قابل اوله ماز .

شهری افندی مدافعه سنه مأمور اولدینی مدحت پاشا ایله کوروشمک اوزره نزدینه کتدیکننده راغب و بسیم بکلرک برابر بولندقلرینی مدحت پاشا نجره دن کورمش و وکیل افندی یه یاننده کیملر بولندیغنی سؤال ایدوب شهری افندی انکار ایدنجیه امنیتی منسلب اوله رق « بنم وکیل مدافعه احتیاجم یوقدر . بن حقوقی کندم مدافعه ایده جکم » دیهرک مذاکره مدافعاتدن مجانبت ایلشدن . بو حالده

وکیل مدافعك وظیفه سنی بالاستعفا چکلمك ایدی. نیچون بویله یامدی؟ نیچون بو دخی مزین صدالیه ده اوطورمقله اکتفا ایدی؟ چونکه اسماً موجود جسماً مفقود برکولککنک وکیل مدافع صفتیه اورده اوطورمسی ایجاب ایدیور ایدی. چونکه هرشی اولندن قرارلشمش و آنجق ویریه جک حکمک بر شکل عدلی به توفیق قلمش ایدی.

متمردن جزایری مصطفی و فخری بک کندیلرینه و دیگر بعضیلرینه اذیت و اشکنجه اجرایی ایله اقراره اجبار ایدلکلرینی بیان ایلش و هربر اعتراضدن زیاده شو مسئله هیئت حاکمه و ناظره نك بغض و غرضنی دعوت ایلش ایکن بو مثللو اعتراضات اساسیه نیچون ضبطه چکورلیور. کذلک رفعت بکک شهادتنه قارشو « بو عارسز و حیاسز حریفک بودرجه جرأتنه تعجب ایتیم » دیشی مستلزم جزا بر فعل عد اولنه رق مدحت پاشانک تشدید مجازاتی طلب ایدلمش اولماسنه قارشو مرحوم مشارالیه « بونک جزاسنی ده مزارمک طاشنه یزیکز » جوابی ویردیکی و حافظه ملتده او زماندنبری منقوش اوله رق عنعنات ملیه قیاندن جمله مزک معلومی بولندینی و او زمانک جرأندنه دخی یازلیدینی حالد نصل اولوبده ضبط دعوايه درج اولمشمدر؟

محاکمه ضبطامه سنک هم رئیس و همده اعضای محکمه طرفندن بالمطالعه امضالمنسی و یوم تنظیمی مشعراوله رق زیرلرینه بر تاریخ قونسی لازم ولابد بولنورکن طقوز کشینک اعدامنی و دیگر ایکی کشینک اونر سنه یه محکومیتنی ناطق اولان شو ضبطامه نیچون یالکیز رئیس طرفندن و بلا تاریخ امضا ایدلمش؟ و اعضای محکمه نك وظیفه سی نیچون اوچ بشیوز غروش معاشلی ضبط کاتبلرینه براغلمش و محکمه تمیزینه اول تاریخلرده دیکر اعلاماتی بر تک امضا ویا تاریخنک نقصانیتدن بحثه نقض ایدرکن درت محاکمینی حاوی شوایکی ضبطده یالکیز بررئیسک بر امضاسیله نصل اکتفا ایلشدر.

احکام قانونیه هر کسدن زیاده وقوفلری درکار اولان محکمه جنایت و محکمه تمیز اعضاری و عدلیه ناظری یوقارودن بری تعداد ایدیلن خطایای فاحشه یه نصل آلت اولیورلر؟ اگر عن جهل یامشلسه محکمه جنایت و تمیزده نصل استخدام اولنیورلر؟ و عن قصد یامش ایسه لرینه نصل موقعلرنده ایقا ایدیلیورلر. و شو هر ایکی احتمال واقع اولیوبده ریحان و راقم آغارک « بز اولوقت قورقوب سویلیدک » و مارقو پاشانک « بن دخی قورقومدن بلا معاینه راپوری امضا ایتدم » و جودت پاشانک « بنده بر دهشت قارشوسنده بولندیغم ایچون قورقوب ایقای وظیفه ایدمدم » دیمش اولملاری کبی هیأت حاضرمنکده طبق خوف و خشیتک تحت تأمیننده بولندقلرینی کیم تأمین ایده بیلور؟ و بویله تحکم و تجبر تحتنده ویریلان امره نصل برامر قانونی دنبر؟

خاقان مخلوعک شو ایشده هم دعواچی و همده حاکم اولدیغنی و بناء علیه حکامک خاقان مخلوع یدنده بر بازیجه حکمنده بولندیغنی دها زیاده توضیح و توشیق ایچون بعض و قایی بیانه مجبورز:

فخری بک و مصطفی و سائره حضور خاقان مخلوعده مکرراً استنطاق ایدلشلردر. حتی بولردن مصطفی کوردیکی تضيقات نتیجه سندن اوله رق بر ایاق اول اولمک املیه خاقان مخلوعه روبرو سب و شتم ایلشدر. و اول دخی « بر ساعت اول بن سنی اولدیریم دیو بویله کفر ایدیورسک فقط او یله چایق چایق اولدیریمه جکم » دیمشدر.

بر پادشاه و علی الخصوص بر دعواچی پادشاه استنطاقلره، استیجوابلره نه قاریشیور؟ تفصیلات معروضه دن اکلاشدیغنی اوزره شودعوانک تا بدایتدن اتهاسنه قدر کافه تحقیقات اولیه و استنطاقیه و اتهام و محاکات هپ خاقان مخلوعک رای و اراده سیله و حتی استیجوابانک بر قسم مهمی حضور یله یالشمدر. هله مدحت پاشانک صحیفه کنارینه یازدیغنی لایحه تمیزیه دخی پادشاهه عرض ایدلمش و تعلق ایدن اراده اوزرینه مابین کاغذینه بالتبویض محکمه یه تقدیم قلمشدر. بر دعوانک مفرداتندن مفصلاتنه و مبدأندن منتهاسنه قدر کافه صفحاتنده دعواچی پادشاهک قولاً و فعلاً مداخله سی بولنورسه مستنطق و هیئت اتهامیه و هیئت حاکمه استقلال رأیلرینی محافظه یه قادر اولورلرمی؟

محکمه تمیزجه استماع ایدیله جک شهوددن احمد جلالالدین بکک دیگر افادتنه نظراً مبادی تحقیقاتده عبدالحمید میرمومی الیهی نزدینه چاغیرر کندوسنک اقدیلکی زماننده قایقچی (مظنون و متهم مرقوم) مصطفی پهواندن نمون قالدیغنی زیرا قایقله کزینورکن مراد افندیکن کندوسنی ایصلا تینی ایچون مرقوم قایقچینک مراد افندی یه خطاباً (سن عبدالحمدک بیوکی سک انی محافظه ایتک سکافر صدر. سن ایسه برادریکی ایصلادیورسک) دیمش ایدی. (ایشته افندیلکم زماننده بن بوآمدن شو ایولکی کوردم. بنده شمندی پادشاه اولدم. اکا بر ایولک یایمق ایستهرم. بونی تحری ایدوب بکا کتورمایسک « دیوامر ایدر. احمد جلالالدین بک آرشدیرر. سیواسده ویا اقرمه ده بولور و معززاً استانبوله جلب ایله عرض کیفیت ایدیلکنده بر کوشکده البقولنسی و کندوسنه ایی باقلمسی خاقان مخلوع طرفندن اراده اولنور. چند کون صکره بوآدمک تلطفی رینه تحت توقیف و استنطاقه ندیغنی اکلاشینجه و قوعبولان معروضاتنه جواباً « سن دها ماهیت مسئله یی صکره اکلا رسک » دینورکه شو وقعینی حکایه دن مقصد مصطفی پهوانک کیفیت اغفالی دکلدر. انجق ضابطه عدلیه و مستنطق وظیفه سنی خاقان مخلوعک بالذات اجرا ایلشدر.

ضوابط و اعلاماتک تدقیق تواریخندن منفهم اولدیغنی اوزره مضبطه اتهامیه ۱۹ رجب واتهامنامه ۲۰ رجب تاریخیه مؤرخ اولوب استیجواب معامله سی ده ۲۲ رجب تاریخنده اجرا اولمش و بش کون مدت مفسوحیت بولندیغنی حالد مدت مذکورنک انقضاسنه انتظار ایدلکسزین ۱۵ حزیران رومی یه مصادف اولان رجبک ۲۶ نجی بازار ایرتسی کونی برنجی یوم محاکمه تعیین قلمش و اوکون ساعت سکز بجه قدر محمود پاشا و سائرهنک واندن صکره دخی ساعت

اون بر بچغه قدر مدحت پاشانك محاكمه سی ایله اشتغال ایدلگدن صکره فرداسی یعنی ۱۶
حزیران صالی کونه تعلق محاکمه ایدلمش و او کونی دخی وجه مشروح اوزره اجرای محاکمه
اعدام حکملری صرملانمش و انک فرداسی ۱۷ نجی چهارشنبه کونی مدحت پاشانك اعدامی
حکمی تفهیم قلمش و کرچه محکمه ضبطنامه لرنده تاریخه تصادف ایدله میور ایسه ده محکمه تمیزک
بیله میز زه دن بولوب چیقاردینی و اعلامنده بحث ایتدیکی قیده کوره هر ایکی اعدام اعلاماتی
۱۷ حزیران سنه ۹۷ تاریخیه مؤرخ بولنمش دیمک اولدی که شو ایکی بچق کونده هم صاحبدن
اقتشامه قدر محاکمات اجرا و همده دقیقه سی دقیقه ضوابطک املا و امضاسندن ماعدا حکمک
حین تفهیمنده اعلامنکده مسوده و تبیضی ختام بولمش و قرار تمیزی ۲۵ حزیران سنه ۹۷
تاریخنده یعنی مدت تمیزی نك انقضاسندن بر کون اول اعطا و امضا ایدلمشدر . اوراق مذ کوره
تاریخلرنده بر کونا تبدیلات یوق ایسه امکان بشر فوقنده اولان شو سرعت برقیه یی ایجاب
ایتدیرن حال نه ایدی ؟

هیئت تحقیقیه لر ، اتهامیه لر ، حاکمه لر و حتی اوراق اوزرینه تدقیقات اجرا سنه مأمور اولان
هیئت تمیزیه ییلدیز طاغلیرینه نقل ، و هیأت مرقومه جه بونجه تعدیبات ارتکاب ایدیلور . و سعید
پاشانك شهادت واقعه سنه نظراً شو دعواک مسارعة فصلی تعلق ایدن اراده ایجابندن بولنورسه
محاکمه واقعه نك جدیدن عاری و یار و اغیاره قارشو جعلی بر لعب مرتب ایدوکنه قناعت
کتورمامک قابل اولورمی؟ ضوابط مذ کورده کوریلان دیگر معاملات قانون شکنانه نك تفصیل
و توضیحی محاکمه علیه تعلق ایله مربوطاً تقدیم قلنان اعلام تمیزی حقیقه بر قاچ سوز دها
علاوه سنه مجبورز :

مدحت پاشا مرحوم لایحه تمیزیه سنک بر جهتمده کیفیت ارتحال ولو بر اثر جرم اولمق
اوزره قبول ایدلسه بیله بونک حد ذاتنده وظیفه مأموریتدن منبعث بر جرم سیاسی اوله جنی
مثلو مرتب و مشوقی اولمق اوزره ارائه ایدیلن ذواتدن بریسنک پادشاه دیگرینک والده سلطان
و دیگرلرینک وکلای مأموردهن اولمی ملاحظه سیله شو دعوانک تعقیب و محاکمه سی محاکم صرفه نك
وظائفندن خارج و اوتهدنبرو جاری اولان اصوله کوره بر دیوان عالی به عائد ایدوکندن بختله
حکم معظینک وظیفه نقطه سندن دخی لزوم نقضی کوسترلمش و طباب واقع من کل الوجوه موافق
نفس الامر بولنمش ایکن محکمه تمیزی صلاحیت محکمه به دکل انجق وظیفه به متعلق اولان شوا اعتراضک
« مفسوحیت طرزنده و وقت و زمانیه محکمه ده سرد ایدلماش اولمی » وسیله سیله طلب واقعه ک
ردینه قرار ویرمشدر که شو قرار دخی محکمه تمیزک جهانی دکل بالعکس تطبیقات قانونیه ده کی
سوء نیتی و دها طوغریسی امر اولی الامر مطاوعتده کی مجبوریتنی ایصال مرتبه وضوح ایلر .
وینه بر قتل ماده سنده شریک جرم ایله معین قاتل نه دیمک اولدینی هر کسدن زیاده محکمه
تمیزی هیئتک معلومیدر . جین ایقاع قتله بالفعل معاونت ایدنلر شریک تهمت اولور . و ریحان

وراقم اغارک افاده سی صحیح ایسه بویله جه اثنای فعلده حاضر بولنوبده مظلومک امر استخلاصنده
دریغ معاونت ایدنلر معین قاتل اولور . و مقتل خارجنده قالانلرک مذاکرات و مقررات اولیده
مدخل و علاققرلی ثابت اولنجه بونلرده درجه فعللرینه کوره معین و یا شریک قاتل
اولور . شو حالده بر موجب قانون معین قاتل اولملری ایجاب ایدن ریحان و راقم اغار معذور
طوتلقله برابر دعوی شهودی صرهنه کچیریلور . و اثنای فعل مفروضده اصلا حاضر بولنمیان
و مذاکرات و مقرراته اشتراکی ثابت اولمیان مدحت و محمود پاشالره شریک تهمت دینیلور که
بر هیئت حاکمه و علی الخصوص بر محکمه تمیزی هیئت ایچون بو درجه ذهول ، تصور اولنهماز .
و وریلان حکمک عن جهل دکل عن علم و عن اجبار اعطا ایدلیکنده اشتباه ایدله منز .

مع مافیله هیئت تمیزیه نك دخی جبر سلطانی به مغلوبیتی و حکم تمیزی نك مستحضر اولدینی
حقیقه دیگر بعض اخباراته دسترس اولنمشدر . شویله که : سابق مذاهب مدیری شوکت بک
افدینک شهادته نظراً اولوقت محکمه تمیزی رئیس لیب افندی هنوز استیناف مدعی عمومیلکی
مأموریتنه کتیرلمش اولان لطیف بکی دعوت و « ذات شاهانه بو آدملرک معصومیتنه قائلدر .
انجق محاکملری ایجاب ایدیلور . افندمنز ینه بونلری عفو ایده جکدر . سز تعذ ایتویوب بواشی
کوریکز » دیمشدر .

و دیوان محاسبات باش کاتب سابق عطا بک افاده سنه نظراً محکمه تمیزی اعضاسندن رضا
بک مابین هایون باش کاتبته دعوتله « سز امین افندی کی مخالفت و اقلیتده قالب غضب
پادشاهی یی دعوت ایتیکز » دیه تهدید ایدلمشدر .

اسبق عدلیه ناظری عبدالرحمن پاشا حضرت ترندن، او وقت مابینده بولنان و هیئت حاکمه به
خبر کورتوروب کتیرن نیشلی محمود افدیندن ایشتمش اولدینی سوزلر لطفاً صوریله جق و مشارالیه
حضرتلری دخی متصف بولندقلری عدالت و حقانیت مقتضاسنجه عنایه مسموعاتی حکایه
بیوره جق اولورلر سه بک مهم بر حقیقت دهاتجلی ایده جکدر .

اشبو دعوا یی مصنعه ده خدماتی سبقت ایش اولانلر برر صورتله تلطف ایدیلرک احسانلر
و نشانلر طاغیدلمش و جریده محاکمک توجیها ت عدلیه سی بوکاشاهد بولنمشدر . شویله که :

۲۳ کانون اول سنه ۱۲۹۶ ده ییلدیزده تحقیقات استنطاقیه نك اجرا قلندینی صرهنه محکمه
استیناف رئیس اولی علی سروری به استانبول پایه سی و بر هفتده صکره ایکنجی مجیدی و ۱۸
اغستوس سنه ۱۲۹۷ ده ایکنجی عثمانی و محکمه تمیزی جزا دائره سی رئیس لیب افندی به برنجی
رتبه دن مجیدی و استیناف مدعی عمومی عبداللطیف بک رتبه اولی صنف اولی و اوچنجی
رتبه دن عثمانی و ۲۵ اغستوس سنه ۱۲۹۷ تاریخنده ینه سروری به اناطولی قاضی عسکرلکی ایله
برنجی رتبه دن مجیدی و محکمه استیناف جنایت قسمی ضبط کاتبلرندن (جودت پاشازاده) علی
سداد بک رتبه اولی صنف نایسی و محکمه استیناف جنایت قسمی رئیس نایسی خرستو فوریدیس

افندی به رتبه ثانیه صنف متمایزه اوچنجی رتبه دن مجیدی و محکمه مذکوره اعضاسندن حسین حامد بکه اوچنجی رتبه دن عثمانی و حاجی توفیق افندی به اوچنجی رتبه دن مجیدی و طاقفور و امین افندی بکه و ضبط کاتبلرندن سداد بکه (بتکرار) دردنجی رتبه دن مجیدی و محکمه مذکوره باش کاتبی امرالله افندی به و (استیناف مدعی معاونلکنندن اسکدار مدعی عمومیلکنه ترفیع ایدلمش اولان) رشد بکه و مستنطق محمد افندی به ثانیه صنف متمایزی و مستنطق حسین صدقی افندی به و محکمه مذکوره ضبط کتبه سندن شا کر و رضا و عزیز بکلره رتبه ثانیه صنف ثانیسی و تحسین و انور و رضا و شوکت افندی بکه رتبه ثالثه توجیه و چند ماه صکره دخی اکثریسی ترفیع رتبه و مأموریتله تلطیف ایدلمشدر .

بودرومی عمر حلمی افندی طرفندن مدحت پاشایه کوندریلوب مدحت پاشانک خطیه مستنسخ اولان عربی العبازه بر مکتوبده او قوندیغنه کوره شو دعوان خاقان مخلوعک مقصد اصلیبی و بوباده کوزه الدینی مادی فداکارلق اکلایشیلور .

ایمدی حکامک بروجه معروض جبره مطاوعتلیله برابر اشبو خدمتلیینه مکافاة تلطیفلیری دخی محقق بولنور ایسه شو حاکمک عدالت و استقلاله قناعت ایدیلورمی؟ و بویله جبروتضیق تحتنده و خلاف وجدان وقوعولان مقرراته حکم حاکم دینورمی؟

حاکم مرتب قسمنه بوراده ختام ویردکن صکره بالاده کی معروضاتمزدن دهادهشتلی صورتده دوام ایدن وقایع و تجایع خاقان مخلوعک آمانی دها واضح صورتده تصویر ایتمکله برابر حاکم مرتب ادعایزیده مؤید بولندیغندن وقوعاتی تاریخلری اعتباریله تعقیبه مجبور اولدق .

خاقان مخلوع دیوان جنایتیه ویردیردیکی و محکمه تمیزه تصدیق ایتدیرتدیکی اعلامی الدقدن صکره بونلرک شرعاً دخی توثیق اسبابی تحمیدن خالی قالمش و حکم اعدامی اجرا ایتدیره بیلیمک ایچون محتاج اولدیغی فتوای شرعی نی استحصاله چالشمش و هیئت علمیه نی مکرراً سرایه دعوتله اجرای جبر و تضیق ایشدر . شویله که :

ارشد و ازهدناس اولان فتوی امین سابقی نوری افندی حضرتلرینی آروجه حمدی پاشا واسطه سیله مایینه چاغره رق اجرای قصاص ایچون فتوای طلب ایتمش ایسه ده مشار الیه حضرتلرینک اظهار متانت و مکاتله « محاکمه و حکم واقع شرعشریفه موافق اولدیغندن کآن لم یکن در . مرافعه شرعیه اجراسیله حکم لاحق اولدجه قصاص لازم کلز . » یولنده کی جواب صوابلری اوزرینه حمدی پاشانک بو مطالعینی خنکاره نصل عرض ایدیم دیو اظهار عجز و تلاش ایتمسه مقابله امین مشارالیه « پاشا . پاشا بونی بن سویلیورم جناب اللهک فخر کائنات افدمزه کوندردیکی کتاب سویلیور . سن برواسطه تبلیغیه سک طورمه کیت خنکاره بویله سویله » جوابی ویرمکله بر سوری معصومینک اعدامنه برسد سدید چکمشددر .

خاقان مخلوع شو حد فاصل شرعی نی دخی یقوب کچمک و هدف مقصودینه ایرمک ایچون

اکابر علمای زماندن مرکب بر جمعیت ، و معزول و مأمور و کلا و امرادن متشکل دیگر بر هیئت جلب و جمع ایله صورت ظاهرده رأیدرینه مراجعت ایدیور کی کورینور ایسه ده حقیقته مشارالیه مدن ارزوسی دائره سنده رأی طویلایه بیلیمک ایچون هیأت مذکوره نی مایینه اوچ کون اوچ کیجه آلیقور .

شیخ الاسلام اسعد ، صدوردن نجیب ، سیف الدین ، احمد حلمی ، کورچی شریف ، نظیف ، خالد ، واستانبول پایه لولرندن کامل ، عمر حلمی ، مستشار مشیخت نجیب ، قصیده جی زاده سلیمان ، عصمت بک زاده محمد صاحب ، ککوزی زاده خیرالله ، امین فتوی نوری ، صدرین مستشاری عبدالله ، دیگر مستشار توفیق ، مکتب نواب مدیری عثمان و اوفلی محمود افندیلرندن مرکب اولان هیئت علمیه بیلدیرک برجهتنده وصفوت پاشانک ریاستی تحتنده متشکل هیئت و کلا و امرا دیگر جهتنده مذاکره قه بیلور . بیان رأی ایتمک صرهمسی جودت پاشایه کلدیکی اثناده خاقان مخلوع صدارت و مشیخت معزوللرینی حضوره دعوت ایدرک « باعث اجتماع اولان خصوص حقتنده بعض تینناده و علی الخصوص خاندان سلطنت اعضاسندن بعضیلرینک بر سوء قصدله نسبتیه قصرینه دعوتلرینه دائر بعض ایضاحاتده بولنقله برابر اهمیت مسئله سببیه سرایده منعقد اولان جمعیت علمیه جه تکرار مذاکره کیفیت ایدلمکده اولدیغی ده علاوه و مجلس و کلا و امرا قرارینک فردایه تعلیقنی اراده ایتمش اولدیغی اعیان ربیبی سعید پاشا حضرتلرینک خاطراننده محرر اولوب « تبیینات و ایضاحات » تعبیرلری تحتنده مستر اولان معانی و مضامیرک نلردن عبارت اولدیغی مشارالیه حضرتلرینک واقع اوله جق افاده لریله اکلایشیه جقدر .

باب محاکمه کشاد ایدلمکمزین هیچ بر معامله رسمیه اجراسنه و اوراق مطالعه سنه قانون مساعد اولدیغندن مقررات علمیه نک ماهیتی عیناً وضع موقع محاکمه ایدیله میور ایسه ده شیخ الاسلام اسعد افندیکن اشبو هیئتدن آریله رق هیئت و کلا میاننده بیان رأی ایلمسی ، و سعید پاشانک بالآخره وقوعولان تصحیحنه نظراً صاحب منلانک « ورثه قتل ایله محاکمه شرعیه اجراسی » مرکزنده کی رأی و مطالعه سی و امین فتوی نوری افندیکن آز اولجه عرض ایدیلن جواب شرعیسی ، و خاقان مخلوعک تعلیق مسئله و تکریر مذاکره حقتنده کی اراده سی و مقررات علمیه نک اول و آخر اعلاننده اختیار سکوت ایلمسی کی احوال نظر تأمله آلنورسه جمعیت علمیه نک اسعد افندیکن ماعداسنک نوری افندی و صاحب منلا حضرتانک رأی مصیبلرنده بولندیغنه شک و شبهه براقاز ایسه ده خاقان مخلوعه قارشو بیان رأی ایتمکله برابر خمداً ثم خمداً محافظه حیات ایلمش اولان صاحب منلا و نوری افندیلرک و دیگر علما حضرتانک کذلک شاهد صفتیه جلب و استعاضلرینی طلب ایلرز .

کله لم شیوخ وزرا و امرانک و هیئت علمیه دن افتراق ایدن اسعد افندیکن رأی و مطالعه لرینه : اصیللری خزینه اوراقده بولنمسی ایجاب ایتدیکی حالده هر بر احتمال و احتیاطه رعایة سعید پاشا

طرفندن حفظ ايدلمش اولان و برقطه صورتی مربوطاً تقديم قلنان رايانامه لرك مطالعه سندن نمايان اولديني اوزره رجال مشار الهمدن كيميسي « حكم اعلامك اجرا و يا عدم اجرا سنده كي محاذيري موازنهيه مقتدر اولديغندن » كيميسي « ولي نعمت افدينك يد اقتدار ملوكانه لرنده اولان بر ماده نك قوللرينك مشاوره سنده براغلمسي علتك تفسيرندن صكره آتيني كسديرمك كشف و كرامته منوط ايدوكندن » كيميسي « اعلام تميزي يي نقض ايدجك ديكر بر محكمه اولمامسيه تخفيف مجازاتك مرحمت شاهانه يه قالمش بر كيفيت ايدوكندن » كيميسي « عبدالعزيز مرحومك مستغرق الطاف و عناياتي اولوب الان شو حال اوزره ماتم ايتكمده اولديني ايچون حكمتك اجرا سني تكرر استرحام ايدر اولديغندن » كيميسي « حكم قانونك اجرا سني لازمدر فقط بونك تمامي اجرا سني و يا خود تخفيفي حقه الهام رباني قلب شاهانه يه هر نه وجه ايله وارد اولور ايسه اصابت انده اوله جغندن » كيميسي « ولو كه قتله جرأت ايدلماش اولسه بيله يالكنز خلع مسئله سندن طولاني بو آدمرك قتلې ايجاب ايدجكندن » كيميسي « خلع ايله جلوس و قايع مؤسسه سنك من بعد عدم تكرري ايچون امثاله بر عبرت مؤثره اولمق اوزره حكم اعلامك تمامي اجرا سني لزومندن » بحث الملشردر .

خاقان مخلوعك سراينده و كوزي اوكنده و امثالي مثللو بر جبر معنوي انده درميان ايدلمش اولان شو مطالعاتك طرز بياننه نظراً قائللريك حریت كلامه مالك اولمق قلمري و هله اولی ده نظره چاريان حقائقندن اولمغه برابر فوق القانون ايكي جمعيت مخصوصه نك تشكيلی، و باب عالينك غيری اوله رق دعواجينك سراينده جمعی، و مجلس مذاكره نك اورته يرنده قطعيه شيوخ و زرانك حضوره جلبی و تبيينات و ايضاحاتدن صكره تكرير مذاكره حقه اراده صدوري پيش تفتيشه آلور ايسه مجلس شيوخده دخي حریت و وجدانيه سني محافظه ايتمش اولان خيرالدين باشانك غيری بالجله بندگان و اعيانك بر جبر معنوي يه قابلمش اولمق قلمري تظاهر ايدر . و بالنتيجه اكر شيوخ و كلا جبره منقاد اولمشلرايه اوچ درت بيك غروش معاشلي مأمورين عدليه و حكامك اول جبره مطاوعت و افعال قانون شكنا نه يه مجاسر تده كي معذرتي تجسم ايدر .

برده و كلای مشار الهمك و على العموم افراد عثمانيه نك و بلااستنا اوروپا مؤلفين و محررينك عادات پرستش ايدر جه سنده تقدير و تقدیس ايديكی نامق كال مرحومك شو اعلامات اوزرينه و محكومين اغزندن تنظيم و نشر و توزيع ايلش اولديني نطقك تمامي دكسه ده بعض اقسامني اوقويه لم : اثنای محكمه ده بر صورتی تقديم قلنه جق اولان مذکور نطقده « ای حاکم سزك سامعه ادرا ككزه الك کوچ كيدن طوغريلقدر . بصيرت كزه الك وحشی كورينن ايسه حقيقتدر . حاکم بر يد قدرتدر . يد قدرت جلاذ اولماز . حاکم حامی حقدر . حقه قارشو سلاحتماز . حاکم عبد عدالتدر . ظلمك اوكنده طانماز . حاکم قلنه سياره متانتدر . دكه صدماتيله رخنهدار اولماز . حاکم خطيب منبر حریتدر . دلال اسارت اولماز . حاکم معمار

ملك دولتدر . مخرب وطن اولماز . حاکم كوشلي قلملری اولر ييقمقده و جانلر ييقمده دكل ظلمه و متغلبه نك باشني از كده قوللانور . ای حاکم حاضر قارشو كزده طوران شهدای حریتك اللری باغلی ، باغرلری آچيقدر . قانلريني صاچك . سزك ايچون رتبه لر ، منصبلر مرتبه لر . معاشر ، عطيه لر آزاده در . ای حاکم محشر الهی يه اعتماد ايدك . قيامت محققدر . مظلومك حقني آله جق بر محكمه كبرا وار . انسانلرك اعمالني طارته جق بر ميزان عدل وار . بويلان دنيا ده الك دنې بر منفعتك خسيس برامله مغلوب اولوبده سعادت سراي دين و دنيا يي يقيمق انسانلرك و هله حاکمرك مزيتنه يا قيشماز . بر چيارك كندی كبی كاذب و زائل اولان التفاتنه و بر عالم بی ثباتك سيم و زر كبی مزخرفاتنه سجده ايدوبده بر سوری بی كناهك قاننه كيرمكه دكز . هپ بونلری بر جبار عنودك آرزو و هوسنه خدمت ايتك فكريله و بر قاچ غروشك نشئه سيه ياديكز . بزله حقمزك محافظه سني حقه ، تميزيني خلقه بر اقدق . همان سزك كبی ناموسنه كوسمش حاکمرك انده قالان ملتله رحمت ايلسون . » ديه بيان فكر و مطالعه بيور مشلردر .

شوايكي رأی متضادی عدل و منطق مقياسيله اولجه جك اولور سهق بريسنك علوتی نسبتنده ديكرينك ردائی تحقق و شورايه قدر توضيح ايديلن و آتياً علاوه و تشریح ايديله جك اولان وقايع و معاملاتدن هپ نامق كال مرحومك مطالعه سنده كي اصابت تأيد ايدر .

محاکمه و حكم واقعتك داخل و خارج مملكتنده بر اقديني سوء تأثير كيتدكجه تزايده و از جمله آوروپا مطبوعاتی عبدالحميد ثانیك نمونه مظالمی اولمق اوزره مقاله لر يازمغه باشلار . خاقان مخلوع ايران سفیری ايله عاداتا شخصياته كيريشور . حكومات غريبه سفرا و مصلحتكذارلری باب عالی يه و مابينه اخطاراتده بولنور . انكلتره پارلمنتو سنده بوابده مباحثه لر آچيلور . و سفيرك اخطاراتنك كفايته قرار ويريلور . و الحاصل آتش صجانه صارار . خاقان مخلوع ايشك عواقبني دوشونمكه مجبور اولور . كندی آمال شخصيه سيه آوروپا افكار عموميه سني تأليف ايچون بر چاره بولوب همان موقع اجرايه وضع ايدر . شويله كه : بر طرفدن جزای اعدامك مؤبد قلعه بندلكه تحويلنی اراده ايدرك آوروپا ليرك و يرلی معتراضلرك افواه شكائيني قياتير . فقط ديكر طرفدن محكومين سائر ايله مدحت و محمود پاشا ساری تحقير و انظار خلقدن بعيد بر ديار حارده افشای وجودلريني تصميم ايله جمله سني برلكده بر واپوره اركاب و بر طاقم ظلمه و داعيته طائف قلعه سنده سوق ايدر .

فن حقوقده الك جزئی ممارسه سني اولنلرجه دخي غيرخفي اولديني اوزره قلعه بندلك جزاسی حكومتك يعنی مجلس خاص و كلانك تعيين ايدجكي قلعه لر دن بريسنده محكومينك ديله دككري ايله تماسده بولنه بيلمك اوزره مجبوساً اوقات كذار اولميسدر . حكم قانون شو مركززده اولوب حتی عائلات محكومينك معاً اعزازلری دخي اراده سلطانی ايجابندن بولنور ايكن بالاخره اشبو

مساعدۀ قانونیه نك در بیغ ایدلسنی و محکومین معصومه نك واپورده یولجی و طائفله مخصوص ابدستخانله اتصانده کی طارم جق و متعفن او طهله قونیهلرق تموز آینه بحر اهر دن کچیرلسنی و اون بش کون امتداد ایدن بو سیاحتده آنجق بر کره تنفسه چیقارلدقن صوکره ینه مزار موقتلرینه قونلسنی بر طرفه براقلم .

طائف قلعه سنه دخولرندن صکره او حوالیده ذاتاً منفیاً مقیم بولان خیرالله افندی با اراده حمیدیه مذکور قلعه یه حبس ایتدیریلور . حالبوکه بو ذات نه عدلیه و نه ده اداره محاکمه و محکوم ایدلامش ایکن بو محضا سلطان عبدالعزیزک امر خلانده داخل اولق وارزوی سلطانی ایسه بو خلع واجلاس ایشده دخلی اولانلرک کونکی قوروقمه مصروف بولمق اعتباریه شو بیچاره ده بلا محاکمه و لاحکم دیکرلری مثللو طائف زنداننه آتیلور . بوندن محاکمه مسبوقة ده کی مقصد اصلی سلطان عبدالعزیز مرحومک کویا مغضوب اولان حقنی اعاده اولیوب منحصر آ عبدالمجیدک سلطنتده بقا و استمراری و ارباب اقتدارک محو و ازالسه و طولایسیله امثاله بر عبرت مؤثره و مخوفه ارانه سی اولدینی تظاهر ایدر .

حقی سلطان عبدالعزیزک خلعی فتواسنی یازمش اولان فتوی امینی خلیل افندینک استانبولده اجل موعودیه وفاتی و فالحده مدفن مخصوصنه دفنی عقینده مرحوم مشارالیهک هنوز تفسخه باشلامش اولان جسدینک مدفندن قالدیریلورق سور خارجه چیقارلسنی حقدن کی اراده سلطانی حالا باب مشیخته موجود و شو طلب مدهش خاطرۀ عوام و خواصده منقوشدر .

طائف قلعه سنده بر او طه یه حبس ایدیلن مظلومین سیاسی حقدن محافظلری طرفندن و مطلقاً با اراده حکمداری پایلان کونا کون حقاترله ، محرومیتله ، اذیتله و اشکنجه لرک علی الدرجات تعدادینه وقت مساعد اولدیغندن خاقان مخلوعک امرینه مقارن اولق شرطیه ایقاع ایدیلن مظالمدن اک باشلوجه لرینک بسط و بیانه مبادرت ایلرز شویله که :

مدحت پاشانک خاطر اتنده محرر اولدینی و فخری و علی بکجرجه دخی تصدیق ایدلیکی وجهله محبوسلرک فرار ایده جکی زمیننده ویریلان اخبارات کاذبه اوزرینه صورت مخصوصده اعمال ایدیلن ناقابل تحریک پرانغلر محبوسلرک ایغنه طاقیهلرق ینه ایقلرنده پرچین ایتدیریلور . و شو حالدۀ مشی و حرکت قابل اولدیغندن دفع حاجت اقتضا ایتدکجه محبوسلر ارقه یه آنوب ابدستخانه یه کوتورولور . چاهه شوی دیکشدر یله جکی زمان کیسیلوب و یا خود سوکیلوب ییقاندقن صکره باشلردن طاقیلور و ینه دیکیلور . بو صورتله بر آی قدر اذیت و اشکنجه یابلدقن صکره پرانغلر ایقلرندن چیقاریلور .

ینه محبوسینک عائله لر یله خباره و یا افراد اهالی ایله ملاقاتلری شویله طورسون آشجیلری وسائر خادم لری بیله یانلرندن النور . طعام ایچون عادی نفر تعیینی ایله اکتفایه اجبار و بالآخره بو دخی استکنار اولنور و بویله جه محبوسینک آجلقندن اولدیرملری یولی طوتیلور . محکومینک

ایچدیکاری سود و قهوه یه و یمک پیشوردکاری تجرمله زهر آتیلور . و تصور تسمیم اکلاشیلهرق قوری آتمکه اکتفا ایدلیکی و حالبوکه محبوسلرک اتلافی حقدن کی ارادات متوالیه نك انفادی لازم ولابد بولدینی ایچون دیکر یوللردوشونیلور . مثلاً مدحت پاشانک اغاسی عارف اغا بیکباشی بکر و بالآخره میرالای محمد بکر طرفندن جلب ایله پاشالرک تسمیمی و نوری پاشانک اغاسی دخی جلب ایله شو مجنونک تجرهدن آتلق ایستدیکی بهانه سیله اشانغی ایتیلور مه سی تکلیف و محمود پاشانک اغاسی حاجی شکری اغا دعوتله کندولرینک تخلیصی ایچون متبوعلرینک قتل ایدلسنی تنیه اولنور ایسه ده بو صادق خادم لری بویله بر جنایت و دنات ارتکاب ایده میه جک لری جوانی ویردکلرندن محافظلر نه یابه جقلرینی شاشیرر . انکلتره حکومتی نامه درسعادت انکلیر سفیری لورد دوفرین اسرانک تخلیصی حقدن کی اخطاراتی تأکید و تشدید ایتکله برابر جده قونسوسنی معرفتیه شریف عبدالمطلبدن محکومینک احوال صحیه سنی صور دیرر . خاقان مخلوع شومشکلک ده دفعی چاره سنی بالتأمل حجاز والیسی عثمان پاشایه « شو ایشی بر عادی ضبطیه حواله ایتمش اولسه شمدیه قدر یکر می کره بتورمش اولوردی » دیه مومی الیهی تویسخ ایله برابر نتیجه مطلوبه نك حصولی تعجیل ایلر .

شوادعا ومدافعاتمک اسباب ثبوتیه سنه کلنجه : حجاز ولایتنه مایندن تبلیغ ایدیلن یوزلرجه تلغراف و تحریرات مؤدالرینه ضمیمه اوله رق شونلریده عرض ایلرز :

مدحت پاشا ۵ محرم سنه ۱۳۰۰ تاریخیه عائله سنه یازمش اولدینی نومرولی مکتوبده تسمییدن و ارزاق مقدره لرینک توکته جک زمانی گلش اولدیغندن بختله افراد عائله سنه صبر و تحمل توصیه ایدر .

۷ صفر سنه ۱۳۰۰ تاریخیه حجاز والیسی عثمان پاشایه اولان استدعاسنده دخی تشبثات تسمیم و قتلی علی الدرجات حکایه ایله شو درجه مضاب و فلاکت ایچنده پویان اولان آدم لری حقدن نه معامله یایمق موافق انصاف وانسانیت ایسه حمیت وحقانیتنه تودیع ایلر .

۷ جمادی الاول سنه ۱۳۰۰ تاریخی و نومرولی مکتوبنده آجلقندن اولدیر یله جک لری تفصیلاتی ویردکلن صکره « بوتدیرلر موجودی اولدیرمک ایچون ترتیب ایدلمش اولدیغندن باقلم کیملر مسابقت ایلر » سوز یله اظهار سوز و کداز ایلر .

۱۰ رجب سنه ۳۰۱ و ۲۴ نisan سنه ۳۰۰ تاریخی و نومرولی مکتوبده دخی « بو مکتوبم احتمالکله صو ک مکتوبدر . بزنی تسمیم ایتک ایستدکاری میدانه چیقدی . سود قاینادیلورکن زهر اکلاشلی . درت کون صکره یمک تجرهنه زهر قونمش اولدینی آثار یله تظاهر ایتدی . دونکی کون میرالای محمد بک بر طاقم تدارکاتله مکدن کلدی . ارتق محافظک بر کونا مداری اولیوب بهمه حال بزم ایچون برسوء فعلک ظهور اثری مجزوم بولمشدر . احتمال که بو مکتوبم وارمزدن اول وفات خبرینی آلورسکز . بوندن طولایی زیاده کدر و تأسف عبندر . انشالله

جناب حق کناهلر منک کفارتیه مظهر عفو و مرحمت ایدرک برده بویولده نائل شهادت بیوردینی حالده بوندن بیوک نعمت اوله ماز . دیدکدن صوکره بعد وفاته نه یاپملاری لازم کله جکنه دائر غدر دیده سنه بعض وصایاده بولنور و بر کون صکره کی مکتوبنده ایسه « بزدن امید یوقدر . جناب حق رحمت و عنایاتندن دور ایتمسون آمین . » دیمشدر .

محمود پاشانک عائله سنه یازدینی مکتوبلر ایسه ده سوزشلی اولوب بولردن ۲۲ مارت سنه ۳۰۰ تاریخلی و نومرولی مکتوبده پاشای مشارلیه دخی عینی استقامات قتلدن بحث ایتدکدن صکره «سلطانم بوندن بویله مکتوب کیدوب کلمک احتمالی قالدینی کبی حالت نزع ککش بر آدمک صحت خبرینی آلوب ویرمکه دخی لزوم قلامش ایدوکندن یالکز شو حالمدا فاملیا اعضاسنی خبردار ایتمک ارزوسیه اشبو عریضه نک تقدیمه جسارت اولمشدر . وحاشیه سنده دخی «سلطانم اخذ نارمی خصامدن المکزلی اولادلمله سزه وصیت ایلم . » دیمشدر .

قتلک وقوعندن اول یازیلوب استانبوله کوندریلان شو مکتوبلردن و دیوان حربک قاتلر حقدنه اخیراً اجرا ایتدیکی تحقیقات اوراقتدن و وثائق سائرهدن مستبان اولدینی اوزره پاشار ۲۵ نیشان تاریخنک مصادف اولدینی بازار ایرتسی کونی انشامی یعنی صالی کیجه سی یاتسی نمازینی ادادن صکره یکدیگرندن آریلهرق اوطله لرینه کیتمکه ایکن عارف اغا بونوره خطاباً « امان افندم طورک بو کیجه سزی بیتیجه کلر هپ برابر او طورک » دیو فریاد ایدر . پاشالر طویلانور . کیفیت اجتماع قلعه محافظنه اخبار ایدیلنجه کوندرمش اولدینی چاوشله اختلاطدن ممنوعیت امرینی تبلیغ ایتدیرمش ایسه ده پاشالر یکدیگرینه صاریلوب بربرمزدن انجق سونکو اوچیله آریلیرز جوابی ویردکلرندن او کیجه اوشاقلر یانلرندن الهرق بشقه بشقه حبس ایدلمش اولدقلرندن مظلومین یأس تام و خوف موت ایله صباحلارلر . صالی صباحی بمضیلرینک اوشاقلری ینه یانلرینه ویریلور ایسه ده هر کسک کندی اوطله سنده منفرداً قلمسی تحت مجبوریته انور .

چهارشنبه کیجه سی ساعت التی ده ایلمک اوکجه مدحت پاشانک قپوسی قیریلهرق اوشاغی عارف آغانک توفیق ایدلمش اولمسیله رفاقتنه آلمش اولدینی علی بک طیشارویه چیقارلدقندن صکره مدحت پاشایه هجوم ایدیلور . آق صقالنه ، محترم سیاستنه و مؤثر و حزین سسیله و آیات و احادیثی سرد و اشهاد ایدرک ویردیکی نصایحه باقلمیهرق اخناق ایدیلور .

بو آراده دیگر قاتلر طرفندن محمود پاشانک اوطله قپوسی قیریلهرق ملازم محمد آغانک تهیه ایتدیکی یاغلی و صابونلی ایپ بوغازینه کچیریلور . اسمانه چیقان فریاد و تظلمنه اثر ترحم کوسترلر معصومک قولی صوپا ایله قیرلدقندن و علی بابا طرفندن چابق وفات ایتسون دیه خصیفتی بوکولدکن صکره شهید ایدیلور .

بر هفته صکره دوقتور ناشد امضاسیله ویریلان راپورده مدحت پاشانک خیارجدن و محمود پاشانک تیفودن ارتحاللری بیلدیریلور . و بر از صکره دخی سنک قبرلری با آراده احمد راتب افندی طرفندن قالدیریلهرق آثار مدفنلریده ازاله ایدیلور .

محمود و مدحت پاشالرک بو مکتوبلریله اخیراً نشر اولنان تبصره عبرت نام کتاب مندرجاتی و بروجه بالادیوان حرب عرفی تحقیقاتی حاوی دوسیه و اثنای محاکمه ده عرضنه مهیا بولندیغمز دلائل قاطعه و قویه ، مدحت و محمود پاشالرک هر نه وجهه اولورسه اولسون همه حال اعحای وجودلری ایچون خاقان مخلوع طرفندن ویریلان اوامر دائره سنده حرکتله معصومین مشار الیه مک قتل و اتلاف ایدلمش اولدقلرینی معلندرکه ایشته قتل و اعدام ایله تمام اولان شو سلسله فحایع خاقان مخلوعک غرض و خصومتی و احتراصات انتقامجویانه سنی اظهار و بالنتیجه دعوانک مزور و حکامک مکره ایدوکنی دیگر دلائل تحریسنه حاجت قلمیه جق صورتده رتبه بداهته ایصال ایلر .

بوراده قسم ثانی به ختام ویره رک قسم ثالثه نقل کلام ایلرز .

قسم ثالث

شهره نازبه

ضوابط متقدمه نک مطالعه سندن منفهم اوله جنفی اوزره اون برمظنون علیهمدن یالکز پهلوان مصطفی و بوی آبادلی محمدک گویا اقرارلرینه، ذوقیاب قلفه و مارقو پاشانک وراقم وریحان و نظیف اغارک و غسال عمر افندی و رفعت بکک علی الدرجات شهادت لرینه انضمام ایدن بعض دلائل و اماراته بناء فخری بکک قاتل متعمد و مدحت و محمود پاشالرک شریک تهمت اولدقلرینه حکم ویریلیور، وشو حکم بروجه معروض تنفیذ ایدلمش بولنیور ایسه ده شهود مرقومه شاهد زور، و اقرار واقع حصول اکراه ملجی اولغله موجب اعاده در .

جنتمکان سلطان عبدالعزیز خان حضرت لرینک حقنی احقاق ایچون دکل بلکه بووسیله ایله کندی سلطنتی تأمین و ابقاده و بالنتیجه معارض اداره سی اوله بیله جنک اصحاب حمیتک وجودینی افنا ایلمک عزم قطعیمیله خاقان مخلوعک میدانه چیقوب اول امرده نائب سلطنتی بولندینی بر سلطان مظلوم ایله والده المدیده سنی قاتل متعمد اولق اوزره انظار عامه ده تشهیر ایتدیکنی ، درجه ثانیسه دخی مشار الیهما حضرت الیه علی العموم خاندان عثمانی بی دوائر محدودده ایچنده و ترصد قوی تحتنده و دکل افراد امتله حتی یکدیگریله اختلاط ایدمه جهک بر صورتده توفیق و بو خاندان جلیله ایله جزئی و کلی نسبتی بولنان و استیصال برات حریت ایچون حس و غیرتی مشهود

ویا محسوس اولان افراد ملتی شورایه بورایه تغریب، ونجه اوجاقلر تخریب و دعوی قتل دخی ایشته شومقصده ترتیب ایلدیکفی، و فوق القانون هیئتلر تشکیلی و کندی سراینده جمع و ترتیبی وضوابط محکمه نك کندی آرزوسی دائره سنده تصحیحی یعنی افادات مستمعه دن متهملرک لهنه اولان اقسامنك محاسی و علیهلرینه اولان جهاتنك ابقاسی و بالنتیجه حقائقك اخفاسی و وجدان حکمك توهم و اشتراسیله بر سوری خلقك و بومیانده اصل مطمح نظری و هدف مقصودی اولان مرشدین حریتك اعداملری حکمنی آلدیغنی و موانع شرعیه و ایجابات سیاسییه طولایسیسیله محکوملرک قانوناً اعداملرینه موفق اولمیدیغیچون تعمداً اعداملرینی تصور و بناء علیه مسموماً ویا آجلقله اتلافلرینه تصدی ایلدیکی خالده بونیده قوه دن فعله چیقاره مینجه طائف قلعه سنده بر او طهده اللری باغلی، باغرلری آچیق، وهر کونا سلاح مدافعه دن محروم بولنان مظلومینك مخنوقاً قتلنه اجتسار و خصمای اداره سندن بوصولته اخذ ثار ایش اولدیغنی برنجی و ایکنجی قسملرده مفصلاً عرض و اثبات ایلدک.

هدف مقصودینه ایرمک ایچون بروجه مشروح ایقاع فجایعدن اصلا فتور و قصور ایتمیان خاقان مخلوع کبی بر حکمدار مطلقک دعواسنی اثبات ضمننده شاهد زور اقامه سنده عینی وسائط جبرییه توسل ایش اولسی امر محقق اولغله برابر شو بحث مهمک دخی مفردات و معضلاتنه کیریشهلم:

سلطان عبدالعزیزخان حضرتلرینك عقیب ارتحاللرنده آنکلتره، فرانسه و اوستریا سفارتلری طیبیلری و دیگر اجنبی و عثمانلی اطباکه جمعاً اون طقوز اهل فن طرفندن اجرا قلنان معاینه بی حاوی راپور ضبط دعوا یه درج ایلامش واصلی هنوز کوریه مامش ایسهده صباح غزته سنك ۸۸ نومرولو و فی ۱۴ جمادی الاول سنه ۱۲۹۳ تاریخی نسخه سندن استنساخ ایدیلوب مربوطاً تقدیم قلنان و موثوقیتی محقق بولنان مذکور راپوره نظراً اول سلطان مشار الیهك هر طرفك لدی المعاینه صول قولی شیریانك بش ساتیمترو طولنده و اوج ساتیمترو عمقنده و یوقاریدن اشاغی و ایچریدن طیشارو جرح ایلمش اولدیغنی کبی صاغ قولی بوکیمنده دخی جزئی منحرف ایکی ساتیمترو طولنده و بر بچق ساتیمترو عمقنده بر جرحه نك یالکز ایجه طمارلری قطع ایلوب شیریانه طوقمیدیغنی و محل وقعهده بولنان مقاصك اون ساتیمترو طولنده غایت کسکین اولوب شو التک مذکور یاره لری آجغه مساعد بولدیغنی و جروحك شکل و هیئتیله صورت توجهی وانلری حاصل ایدن التک اتلاف نفسه دلالت ایلدیکی متفقاً بیان و تصدیق قلنمشدر.

هیئت اتهامیهجه مذکور راپورک بر کونا حکمی اولیوب آنجق مبرز مقاصك جروح مذکوره بی ایقاع ایده بیله جکندن بحثله اشبو راپور تعلیل وحتی بونك دخی نتیجه قطعیه فنیسی یعنی « اتلاف نفسه دلالت ایدیور » تعیری امشالی مثللو کتم ایله حقیقت حال تغیر ایلمش و مباحث فنییه دخی کیریشیلرک بر قولك جرحندن صوکره آنکله دیگرینك جرحنك امکانسزلغنی

بولنده عندی مطالعه سردیله اهل فك بالنفس تکذینه قدر چیقیشلمش ایسهده فنا ثابت اولان بر شی عکسنك ینه فنا ثبوتی لازمکلوب یوقسه اون طقوز دکل بنککه بر نفر طیبك و یرمش اولدیغنی راپورک نه شهادت و نهده حکامك قناعت وجدانیه سیله خللذیر اولیوب آنجق عندالاعتراض فتح میت اجراسی قابل اوله مزسه معترض فیه راپورک جمعیت طبییه حواله سیله جواب فنی اخذی لازمکله جکی ایجابات قانونیه و فیه دن ایکن اون طقوز اهل فن راپورینك هیئت اتهامیه و محکمهجه مطالعات عندیله ایله جرح و تکذیب ایلمسی اساساً تجاوز وظیفه طولایسیله مجروح و مردوددر. بناء علیه فنا جرح ایلمیان مذکور راپورک نتیجه قطعیه سنه کوره سلطان عبدالعزیز خان حضرتلری منتحر اولغله عکسنه شهادت ایش اولان کسان هر حالده شاهد زوردر.

مع مافیسه مذکور راپورده ممضی اون طقوز طیبیدن محکمه یه دعوت ایدیلان آنجق درت کشی میاننده بولنان دو قوتور قاسترو بکک افاده سنك کونی کونه ضبطه کچورلیوب ایکنجی کونی حدوث ایدن بر مناقشه صره سنده تکرار ایلمسیله محکمه نك ختامندن صکره اثنای مدافعهده قسماً ضبطه درج ایلمش اولدیغنی نجی مادهده عرض ایش ایلدک. ضبط مذکور مندرجاتنه و علی الخصوص جریده عدلییه نظراً (طنین ۲۹۶) میر مومی الیهك شهادت واقعسی کیفیت اتخاری مصدق و بونك علی وجه الوقوع کونی کونه ضبطه درجندن اجتناب ایلمسیده شو حقیقتی مؤید اولغله بویله بر مسئله فیهده قتله شهادت ایدن کسانك شاهد زور ای دوکنه یالکز اشبو شهادت برینه فیه تشکیل ایدر. خصوصیه طیب مومی الیهك اجنبی اولدیغنی خالده استانبولده اقامته مساعده ایلمیه رک حدود عثمانیه خارجه چیقارلیدیغنی ده پیش نظره النور ایسه بونك شاهد عادل و شهود مظنوننهك شاهد زور ای دوکنه اصلا شبهه قالماز.

ینه محکمه ضبطنامه سنده اطبا مستمعه دن نوری پشانك « افاده اولیه سنی تکرار ایندیکی » جمله سیله اکتفا ایلدیکندن پاشای مشار الیهك شهادتی تحت مجهولیتده قالمش ایسهده جریده عدلییهده (۲۹۶) او قوندیغنه پاشای مشار الیه دخی « بن کرچه وجودك هر طرفنی معاینه ایتمک فقط قوللرده کی جروح ایله مبرز مقاصی معاینه ایلم و مذکور جرحه لرك اول مقاصله حاصل اولدیغنه قناعت کتوردم » دیمش ایکن متهملرک برائتی مصدق اولان شویله بر شهادت فیه نك ضبطه کچورلامسی و افاده اولیه بی حاکی اورا قک اورته دن قالدیرلمسی جنایات ایچنده جنایت اولغله افاده لرینه بنای حکم ایدیلان مارکو پشانك و رفعت و عمر افندیلرک و ریحان و راقم آغالرک و ذوقیاب قلفه نك شاهد زور ای دوکنه قناعت و حکم ایتمک ممکن اوله مز، جریده عدلییه نظراً دیگر طیب موسیو مارکل عندالاستماع رفقاسیله برابر میتک یوزینی، قوللرینی و ایاقلرینی معاینه ایتمک لرنده قوللرده کی جرحه لردن بشقه بر شی کورمدکلرینی و آنکلز دو قوتوری موسیو دیکسون و فرانسز دو قوتوری موسیو ماروانك نعشی بر ده ای یعنی ایکنجی دفعه اوله رق معاینه

ایلیری نتیجه سنده راپور تنظیم و تختم ایلدکلرینی سولش ایکن دو قوتور مارکلیکه شو افادات مهمه سی ضبطه کچورلییه ب ساده جه « دو قوتور مارکل دخی افادات اولیه سنی تکرار ایلمشدر » سوزیله اکتفا ایلمسی هم ضوابطک ساخته لکنه و هم ده شهود مظنونه نك شاهد زور ایدوکنه اوچنجی برینه قطعیه تشکیل ایدر .

مع مافیه ینه طبیب مومی الیهک اشبو شهادتی اولوجهله کم ایدیلور ایکن متهملردن علی بیکک علینه تلقی ایدیلن دیگر بر افاده سی ضبطه درج ایدلمشدرکه بر شاهدک از جمله برطبیک شهادتی بویوله تقسیم ایدیلرک متهملرک علینه اولان قسمی قید و لهنه اولان قسمی طی ایدیلرسه و بوده یرلی و ییانبجی بالجمله اوراق مطبوعات مندرجاتیه تحققی ایدر ایسه بو معامله نك ساخته کارلقدن باشقه بر اسم ایله توسیمی قابل اولورمی ؟

بروجه بالا وزیر تکرر ایدن وقصداً ارتکاب ایدیلان شو افعال ابتداءً طقوز کشینک و بو میانده اوچ وزیرک بغیرحق اعدامی و چند خاننک انهدامی و انتهاءً اوتوز التي ملیونلق بر دولت معظمه نك انحطاطنی انتاج ایتمش بولنور ایسه مرتکبلرینک سیاست اعدامی ایجاب ایتمزی ؟ حاکم زور قسمنده عرض ایدلیدیکی اوزره هر بر محاکمه ضبطنک هر بر اعضا طرفندن مطالعه و امضاسی حقه کی صراحت قانونیه مخالف اوله رق ضوابط مذکورنک یالکز علی سروری وینه یالکز خرستوفوردیس افندیلر طرفندن برر کره امضا ایدلمش اولسی رئیس اول و ثابتنک ک زیاده جرأتکار ایدوکنی اثبات ایتمزی ؟ و شو وضوحه قارشو آرتق شاهد زور دعواسنک بشقه جه اثباتنه لزوم قالورمی ؟

ینه دو قوتور مارکلیک افاده آنه سینه نظراً دو قوتور دیکسون و دو قوتور ماروان میت مشارالیهی ایکی کره معاینه و محل وقعه نی بشقه جه مشاهده ایلمش اولدقلمی جهته کرک مومی الیهمانک و کرک متباقی دیگر اطبانک محکمه یه دعوت ایدلایمی محاکمه واقعه نك اظهار حق ایچون دکل بلکه شهود مستحضره نی استماع و حکم مقرری اعطا ایچون اجرا ایدلیدیکنه و بناء علیه شهود مظنونه نك شاهد زور ایدوکنه دلالت ایتمزی !

برده محاکمه و حکمدنصکره دو قوتور دیکسون طرفندن ویریلان راپوری اوقویهلم ... نومرو ایله تقدیم قلنان مذکور راپورده متفنن مومی الیه « بن و دو قوتور ماروان میت سلطانی نی کال دقت و اعتنا ایله معاینه ایتمش و اجبار علامتی کشف ایتمک اوزره هر طرفنی ایجه ایجه کوزدن کچورمش ایسه کده مذکور شیریان و ایجه طمارلردن بشقه هیچ بر علامت بوله مدق . سلطان مشارالیهک جلدی بش التي یاشنده چو جوق جلدی کی نازک و بموشاق اولدینی حالده بیه اوزرنده زره واحده یاره و بره و چوروک اناری بوله مدق . ایشته شو حال و جرحه لرك استقامتی انتخاره بزى اقاع ایدلیدیکی مثلاً محل وقعه ده مشهودمز اولان شو و شو احوال دخی مذکور فکر و مطالعه مزى بر قاندها تنویر و تأیید ایلمشدر « دینشدر .

فرانسه سفارتخانه سی طبیی دو قوتور ماروان دخی رای و مطالعه اولیه سنی تبدیل و یا تبدیل ایده جک هیچ بر سبب اولدیغندن رای اولنده اصرارینی حاوی رساله بیه نشر ایتمشدر .

مع مافیه مذکور راپورک جهت حکمیه سندن صرف نظرله حصرأ جهت حکماتی اجنبی ویرلی اون یکرمی نفر ، اهل فنه حواله ایدیلور ایسه جروحک وضعیت و استقامتی اعتباریله تظاهر حقیقه هر وجهله امین اولدیغمزدن بو باده تدقیقات فیه اجراسی و نتیجه سنک باراپور انبای ایچون کیفیتک ارباب اختصاصه حواله سنی و مارقو باشانک اثنای محاکمه ده کوستردیکی و احمد جلال الدین بیکک بروجه زیر اثنای محاکمه ده سولیک ایستدیکی مقاصک تدقیقات فیه ائناسنده پیش نظره آلمسنی طلب ایلرز .

ایشک جهت فیه سنی بوراده براقه رق مادیاته کلهلم . سلطان عبدالعزیز خان مرحومک ورثه نجیبلرینک ایلیک محاکمه زماننده اعطا بیوردقلمی تقاریر محاکمه علیه صره سنده میدانه چیقارلامش و ضوابط محکمه یه بو باده هیچ بر قید دوشورلامش ایسه ده جناب حقه شکرلر اولسونکه نجل نجیبلری یوسف عزالدین افندی حضر تلمی بر حیات اولوب حقایق احوالی توضیح و تکراردن بر آن خالی قالمشدردر . مشارالیه حضر تلمی کندیلریله بو باده ملاقات طلب ایدن بعض ذواته « پدرلری مرحومک مجرد وقار حیثیت شاهانه و علو طبع مردانه سی الجاسیله متصدی انتخار اولمش اولدیغنی بالذات و تأمیناً بیان و جانب محکمه دن صوریلور ایسه عینی جوابده بوله جقلمی امر و فرمان بیورمشدرکه یالکز افندی مشارالیه حضر تلمینک اشبو تیئات و تأمیناتی شهود مظنونه نك شاهد زور ایدوکنه بر قرینه قاطعه و مستقله تشکیل ایدر . خصوصیه حین ارتحاله مجید افندی حضر تلمینک بش التي یاشنده بر چو جوق اولوب یوسف عزالدین افندی حضر تلمی ایسه خاصه مشیری بولنلق حسیله پدرلری سلطانک سبب وفاتلرینی تحقیق ایتمک اقتدارینه مالک اولدقلمی ، و بالتیجه شاید وقعه مشهوده بر فعل خارجی اثری ایسه مظنونلری صیانه کتم حقیقه تنزل بیورمه جقلمی آشکاردر . مع مافیه اول هنکامده ضابطان مایندن احمد جلال الدین بیک شو صورته بیان معلومات ایتمکده در . « سلطان عبدالعزیز خان حضر تلمینک عقب ارتحاللرنده شهزاده عبدالحمید افندی حرم اغارندن سنبل و سفر اغاری بنم واسطه مله نزدینه چاغره رق بونلری والده سلطانه کوندردی . عودتلرنده والده سلطانک « اوغلامک سبب وفاتی اولان مقاصی بن المله ویردم » دیمش اولدیغنی سولدیلمر . عبدالحمید امنیت ایتموب مراقبه ایچون ایوم مدینه بولنان حرم اغارندن راسم اغایی کوندردی وجوابلرینک تحریراً اعطاسنی ایسته دی راسم اغا عین مآله جواب تحریری کتوردیکندن عبدالحمید سکوت ایتمدی . و درت سنه صکره دخی شو دعوائی آچمق ایسته دیکنده یوسف عزالدین افندی نی بتکرار استمزاج ایلدی . مشارالیه ایله والده سلطان حضر تلمینی مدعی شخصی صفتنده بولندیرمق و کندوسنی حقوق عمومیه طولایسیله محافظه ایتمک فکرنده بولندیغنی تبلیغ ایتمدی . حتی عبدالعزیزک قتل

میاننده علاوه بیان ایدیلان دیگر احوال مثلاً سلطان مرحومك فرعیه سراینه دخوللرنده تعمیرات لزومه مبنی آچیلمش اولان بوش کرج قیوسنک منظور شاهانه لری اولسی ونفراتک حضور هایونلرنده توتون ایجمسی کبی احوال دخی بوکا انضمام ایدرسه خاقان مخلوعک عیری هر صاحب فکر علوی ایچون موجب اتخار اوله جفته وسلطان عبدالعزیز کبی علو جنابی وعزت نفسی درجه قصواده بولنان حکمدار ایچون احوال مسروده دن یالکز بریسی سبب اتخار تولید ایده جکنه شبهه ایدیله من.

صاری یارده مقیم معارف نظارتی ارکاندن سلیم ثابت افندینک تألیف کرده سی اولان تاریخ عثمانیده سلطان عبدالعزیز مرحوم منتحر اولوق اوزره کوسترلمش ومؤلف مشار الیهک اعطا ایده جکی ایضاحاتک دها زیاده تنویر حقیقت ایلمسی امر طیبی بولمشدر.

ینه استیناف مدعی عمومیسى لطیف بك (طنین ۲۸۰) «محاكمة علیه اثناستده کیفیت قتل حقنده بر خیلی اخبارات وقوعبولمش (یعنی زورناللر ویرلمش) ایسه ده بونلرک جمله سی مهم وغیرمعین وذات شاهانه دخی بوخصوصده کی حقایق میدانه چیقارمق عزمنده مصر اولدقلرندن شو ترددعمومی یه قارشو رجال دولتک بلافانده ناموس وحیثیتلرینی کسره میدان ویرمامک اوزره خفیاً اجرا قلنان تحقیقات نتیجه سنده سلطان مرحومک قلفه لرندن اولوب بالاخره اکابر رجالدن بر یسنک مخدومیله ازدواج ایتمش اولان بر قادین بعض افادات و بیاناتده بولمش و بیانات مذکوره شمه حقیقت ایله مزوج پک چوق احوالی مبین اولغله قطعی بر افاده عد اولمشدر «دیشدرکه شو اخبار کاذب سایه سنده ترفیع رتبه ومأموریتلره موفق اولان اسمی سکوتله کچشدیریلان رجال (یعنی محمود جلال الدین پاشا) طرفندن بعدالحاکمه والحاکم تألیف ووفاتندن ومشروطیتدن صوکره اوغلی معرفتله نشرایدلمش اولان «مرآت حقیقت» نام اثرده دعوا ی قتل تکذیب و کیفیت اتخار تصدیق ایدلمشدرکه اوله کندیسى مستنطق صفتیه مظنونلری استجواب ایتمش اولدینی وکلینی یعنی مخدومی منیر افندینک زوجہ سی بودعوانک اک مهم شاهی ومرتبین دعوانک اک اوسته لقی ایجادی بولندینی حالده یلان اولدینی بیلدیکی بر دعوانک مستنطق بولنان بو قائن پدرك اقرار بالکتابه سی کلینی خانم افندینک ماهیت شهادتی تبیین ایدر. شوتبین حقیقت ایسه امثالی شهود حقنده تشمیل اولتمق لازمکلور.

دوقور مارقو پاشایه کلنجه بونک دخی افاده سنک برنجی قسمی ضبطه کچورلماش ایسه ده بو باده اول امرده نظر مدققانه لرینه عرض ایده جکمز مسئله طرز محاکمه یه دائردر.

مثلاً محل اتخارده بولنان مقاص کویا رشدی پاشا طرفندن مارقو پاشایه ویرلوب انک دخی برطرف دروننه وضع و کندی مهریله تمهیرندن اعتباراً بش سنه طرفنده هیج اولمزسه تحقیقات اولیه واستنطاقیه اثناسنده نه حکام عدلیه یه ونده حاکم مملکته امنیت اولتیه رقی بالخاصه کندی خانه سنده توقیفدن صکره حصرآ محاکمه کوننده وساعتنده کندی مهرینی کندیسنک بوزوب

مقاصی چیقارمش اولمسیدرکه شو افاده عدل ومنطقه قارشو استهزا صورتنده تفسیر اوله بیلیر. خصوصاً که اوراق دعوا یی محکمه جنایت و تمیزه امنیت ایتمیان عبدالحمد شو مقاصی مارقو پاشایه نصل ویره بیلدی؟ ودیعه نیک عیناً محافظه ایدلمش ایدوکنه محکمه جه نصل قناعت کتورلدی. مذکور مقاصک معاینه فیه سی اجرا قلنمقسزین بونک اصل آلت جارحه اولدیغنه نصل حکم اولدی. ایشته شو جهتله مارقو پاشانک شهادت واقعه سنک معلل ایدوکنه دلائل فعلیه ومقنعه دن ایسه ده بالفرض مارقو پاشانک محکمه یه ابراز ایثدیکی مقاصک محل وقعه ده بولنان مقاص ایدوکنه هیئت حاضر جه دخی قناعت کتورلسه بیه شو مقاص ایله کیفیت اتخارک وجوده کتورلدیکنی تصدیق ایدن اون طقوز اطبا میاننده مارقو پاشا دخی حاضر بولمش وراپوری امضا ایتمش اولدینی حالده برنجی راپوریله شو افاده سی ییننده کی تناقصک اسبابی طرف ریاستدن نیچون استیضاح اولندی؟ اولندی ایسه نیچون ضبطه کچورلمدی؟

هر نه قدر محکمه ضبطنامه سنده بو جهت مسکوت عننه بر اقلیلور ایسه ده جریده عدلیه یه نظراً (طنین ۲۹۶) «بن اولوقت معاینه ایتمکسزین راپوری مهرلمش ایدم» دیدیکی کوریلپور. اگر ایکنجی افاده نیک سخته قناعت کتوریلپور ایسه مومی الیه ایلیک راپورده یلان شاهدلکننده بولمش دیمکدر. زیرا شهادتین ارسنده کی تضاد بونلردن برینک کذب تبیین ایدنجه شاهدک شاهد زور ایدوکی تحقق ایدر.

مع مافیه مارقو پاشانک فیه تعلق اولیان دیگر بر افاده سنی پیش نظره الدیغمزده «بن وقت شهادتده قوزغنجقده کی خانه ده اوطور مقده ایکن فرعیه ده ولی نعمتم افندمک اوطوردینی پنجره دن بر جسمک سقوطنی کوردم. و اول آنده سرایده و اوایل قوبدینی اکلادم» دیور. واشبو وقعه دن بش سنه صکره محکمه یه احضار ایدلمش اولان مکلف کینمش ذوقیاب قالفه دخی الدیونلی اللریخی کلام قدیم اوزرینه وضع ایله یمین ایتدکنصکره محل وقعه یه ایلیک اوکجه دخول ایدن کندوسی اولدینی و اول ثانیه ده بر شخصک پنجره دن چیقوب قاچدینی و بو دخی متهمله میاننده بولنان جزایرلی مصطفی ایدوکنی هم سویلیور و همده مر قومی اون کشی ارسنده تشخیص و تعیین ایدیور. و مدعی عمومی و هیئت حاکمه شو ایکی قولی ربط ایله مصطفانک ایقاع جنایتدن صوکره پنجره دن فرارینه حکم ویریور.

اوزمان معاینه ایدلمک لزوم کورلمه مش اولان محل وقعه نیک بوکره معرفت عاجزانه مزجه اجرا قلنان معاینه سندن اکلشدینی اوزره مذکور پنجره فرعیه سراینک اوچنچی قاتنده وسطح زمیندن اون بش مترو ارتفاعده اولقله برابر پنجره نیک التنده کی قورنیش آنجق اون سکزساتیم عرضنده اولوب بر پنجره قنادینه ویا تیمورینه طیانمقچه بر مترو بیه ایلو کینمکده کی عدم امکان بدیهی، وبالفرض بعض ارباب صنعت مثللو تل اوزرنده یوریرجه سنه کیدیلسه بیه یمین ویسارده

برخیز اولمغله یا چقیلان پخیره یکیدن دخول ویا طاش ایله دوشه لی اولان ریختیم زمیننه سقوط طبیعی اولوب اصحاب کرامتدن ایمشجه سنه قوزغنجقدن شو حاله منتظر و مترقب اولان واز چوق علوم طبیعییه وقوفی اولمق لازمکلان طیب مومی الیهک سقوط اجسام قانونه رغماً سویلدیکی بو سوز مصطفانک دوشمه سندن زیاده دامن دوشمه قیلندندر . بناءً علیه شاید قاتل موهوم پخیره دن آتلامش ایسه جزایری مصطفی دکلدن . بالفرض جزایری مصطفی ایسه صاعلام قورلمسی ممکن اولمیه جمندن و حالبوکه مصطفانک صاغ و سالم بولمسنندن بو شهادته یلاندر . بز محل وقعه نك صورت رسمیه ده معاینه سنی طلب ایده رز . عندالمعاینه تکمیل حقیقت تظاهر ایدر .

ینه مارکو پاشانک برادری پیچونک ۲۲ حزیران سنه ۱۸۹۷ تاریخیه درسعادته تنظیم ورومانیه سفارتخانه سنه تودیع ایلمش اولدینی وصیتنامه نك برقره سنده « برادرم مارکو پاشانک کرك جمعیت بشریه یه و کرك عائله سنه وعلی الخصوص والده سنه قارشو سؤ حال وحرکتته و تشبثات و اجراءات ناموسشکنانه سنه و مقاصد و منویاتنه وصول ایچون اکا هر دلرو افعال قیحه یی اجرا و ارتکاب ایتدیرمش اولان بی حدوبی یابان حرص جاهنه بناءً کندوسنی ارتمدن محروم ایتدم » دیشمدر . وینه مارکو پاشانک لابوین همشیره سی اوریدیکی خاتون ودامادی سیسام بکی ملتیدی بکک مدحت پاشا ایله مناسباتده بولندقلری بولنده ماینه وقوعولان اخباراتی اوزرینه همشیره سنک و دامادینک اولری باشلرینه بیقیدیرلقدن بشقه مزبوره اوریدیکی خاتون بونجه اموال و املاکندن و جکر پاره سی اولادلرندن تجرید و من بعد ترکیابه عودت ایتماک اوزره بورادن تبعید ایدلیکنندن بو زواللی دخی ممالک غریبه ده کونا کون محرومیتلر ایچنده حیاتیله اوغراشمش و یگرمی بش سنلک جفالرینه نهایت ویرمک وبقیه عمرینی مسقط رأسنده کچورمک آرزوسیه بوندن ایکی یچق سنه قدر اولیسی استانبوله عودتی خبر ویریلور ویرلمز شو سکسانک عاجزه هان محفوظاً ینه حدود عثمانیه خارجنه چیقارلمش و ارتق سقالتلره طیانه میهرق چند ماه صکره ترک حیات ایلشدرکه شرق وغریبه معلوم عالم اولان شو حقایق دخی هم مارکو پاشانک علیه شهادت ایدن برادری پیچونک اشبوشهادتنک صحتنی و بناءً علیه مارکو پاشانک شاهد زور ایدوکنی تصدیق ، و همده عبدالحمید ناینک مدحت پاشا طرفدارلری حقنده تعقیب ایتمکده بولندینی کین وغرضک اوتوز سنه بلا انقطاع امتدادینی تأیید ایلر .

مع هذا قوزغنجقدن فرغیده کی سقوطی و ولی نعمتنک هانکی پخیره ده اوطوردینی قارتال کوزیله ایده بیلمش ایکن سلطان عبدالعزیزک همسی اوستنده ویا التنده یچاق یاره سی وازایسه کورمیان مارکو پاشانک کرك بو وکرك دیگر افادات مشوشه سی کندوسنک شاهد زور ایدوکنه دال اولغله برابر مشارالیه احمد جلال الدین بک و سنبل وسفر اغلر محکمه یه دعوتله استماع بیوریلور ، ومدینه منوره ده مقیم حرم اغلرندن راسم اغانک استنابه صورتیه معلومانه مراجعت ایدیلور ایسه یوم و محل اتخارده

بولنان مقاصک کیمک طرفدن زهر لرده محافظه ایدلیدی وبالاخره نه یاپیلدینی و بناءً علیه مارکو پاشانک بوبابده دخی نوجه شهادت کاذبه ده بولندینی تحقق ایلر .

مارکو پاشایه ظهیر اوله رق اقامه ایدیلان ذوقیاب قلفه محکمه ضبطنامه سنه نظرا بالاده کی افاده ده بولنور . و جریده عدلیه یه نظراً « سلطان عبدالعزیزک دائره سنده کورلتی پیدا اولدینی ایشیده رک نه اولدینی کلامق ایچون پخیره یه چیقیدینده اورته بویلی سیاه بیقلی ضعیفجه بر آدمک پخیره دن آنلادینی و بو آدم مرقوم مصطفی اولدینی و مذکور او طیه ای ک اول کندوسنک کیردیکنی و سلطانک وجودنده اثر حیات باقی اولوب الله الله دیمکده ایدوکنی و باشنی قوی اوستنه الوب قالدیردینده کرك اللرنده و کرك یوزنده قان اولدینغندن دشمن ایشی اولدینغنی اکلا دینغنی سویلر حالبوکه سلطان عبدالعزیزک حین وفاتنده شو ذوقیاب قلفه اکر فی الحقیقه کورلتی اوزرینه پخیره دن باقدی ایسه بویله برده شتلی ثانیه ده ایلك دفعه کورمش اوله جنی جزایری مصطفانک اشکالنی نصل محافظه ایلمش و ایلك اوکجه او طیه کیردیکنده بو حالی کورمش ایسه محافظلر طرفدن نصل بر اقلمش و کندوسی اون لیکی یاشنده بر چوق اولدینی ~~الله~~ بالکنز باشنه مجروحک باشنی قالدیرمغه و اللرینی و یوزینی معاینه یه نصل جسارت ایتش وهیچ اولماز ایسه در عقب والده سلطانه نیچون سویله ماش و اندن صکره لری دخی دیگر قادیلره و جواری یه نصل آچیلماش و بالاخره نیچون نه سببه نه تاریخده و ایلك اوکجه کیملره اخبار ایتشدر ؟ لطیف بکک تشریح دعواسنه نظراً ، حین ایقاع قتلده هیچ سس و صدا چیقماش ایکن مزبوره نصل کورولتی ایشتمش ، کورولتینک بعد الوفات حدوثی درکار اولغله قبل الوفات شو کورولتی یه نصل احتمال ویرلمش ؟ ایشته شورالزینک اظهار حقیقت ایچون عندالاستماع استیضاح اولنسی ودها طوغریسی اولوجهله استیضاحه جسارت ایدیله مامسی و برده مرقوم جزایری مطصفانک اول و آخر مستنطق و بادشاه حضورنده مکرراً بالاستتطاق انکارنده مصر و طاقت بشریه خارجنده تحمل ایتدیکنی اذایه رغماً متانتنی غیر محل بولماسیله برابر مارکو پاشانک شهادت خیالیه سی تأیید ایده جک بر اخبارک وجودینه لزوم کورلمسی اوزرینه شو سوزک کیم بیلور نه کبی وعد و عیدلر مقابلنده مزبوره نك اغزینه ویرلمش بر قول محدث اولدینی و بناءً علیه مزبوره نكده شاهد زور ایدوکنی ایصال مرتبه ثبوت ایلر .

از جمله سلطان عبدالعزیزک بشنجی خزینه داری و نفس هایونلرینه اک قریب جاریه سی بولنان عرض نیاز قلفه عند الاستفسار « بن محمود پاشایی فرغیه سراینک اورته قاتنده کورمدم و کندوسیه کورشمدم . مذکور بازار کونی سلطان عبد العزیز افندمن صقالتی دوزلمک ایچون ایسته یوب الدینی مقاصله کندو کندویی تلف ایتدی . وجرحدن اول سورده یوسنی تلاوت ایلدی . و اوکنده مصحف شریف و مذکور مقاص بولندی . اول آنده کیش اولان اطبایه دخی


نه مرتبه معتنا طوتیلورسه علویتده کی روح یاخود روحنده کی علویت او نسبتده متعالی اولور .
 افرادندن بولمغه مباحی اولدیغمز ملت عثمانیه نك ام سازه توارینجده امثالنه نادر تصادف اولنه
 بیلن مفاخرینی خاطرۀ اخلافه حقیقیته نقش ایدرک اولاد وطنک حسیاتی اعلا ایتک عمومزک
 و از جمله صنف حکامک مودوع عهدۀ حمیتدر . بوکون بر حقیقت معلومۀ تاریخیه نك فقط تحکیمی
 عهدۀ عدالتکزه تودیع اولمشدرکه هم سز بونکله مفتخر اولمالیسکز . همده افتخاریکز نسبتده
 عدالت مسلمۀ حاکمانه کزی ابدال ایتمالیسکز . معلومدرکه اصول محاکمه ، جوهر اصلی عدالت
 دکل . طرق متوسله عدالتدر . اصول ، حقیقته وصول ایچوندر . فرانسزلرک دریفوس دعواسنی
 رؤیت ایچون نه کبی تداییر فوق العاده اتخاذ ایتدکلرینی بیلیرسکز ؟ آنلر اصول محاکمه پارمقلغنی
 آنلادیلر . و بر مظلومی قورتاردیلر . بوکون فرانسه بونکله بحق مفتخردر . یالکز فرانسه
 دکل عدالته ایدیلن بو خدمتدن طولایی عالم انسانیت متشکردر . بزم اصول محاکمه نك ۳۵۲ نجی
 مادهسی دها واضح و دها واسع احکامی شامل اولمغه قانون مخصوص تنظیمنه اصلا لزوم یوقدر .
 باخصوص اصل مأخذ قوانینمز اولان احکام شرعیه تحری عدالت صددنده هیچ بر حدود ایله
 مقید دکلدر زیرا حق و عدل مضروف دکل کائناتی محیط بر ضرفدر بر اصول محاکمه نك
 حدود و نقاط معلومه سنی یالکز بر فکر الفاظ پرستانه ایله بوکون تلقی ایده جک
 و بو طار دائره دن چقیمه جق مشروطیت حکامی بولیمه جغه معتقد اولمغه برابر بروکیک هراحتالی
 دوشونه بیلیمی بلکه توهم ایله سی مجاز اولدیغنه نظراً عبارات قانونیه مطلق اولسه بیله قابل اعمال
 اولقله مقیددر دیرم . معلومدرکه عقل ایچون طریق بردز . هر حاکمک نخبۀ آمالی تحری حقیقتدر .
 بو ضیای حقیقت زرده تجلی ایدرسه حاکم او جهته توجه ایتکله مکلفدر . موکلرمنک
 ذاتلری و مورثلری اوغرا دقلری فلاکت بر عدلیه محکمه سنک قراریله دوچار اولدیلر . کوردکلرینک ،
 چکدیکلرینک اوزرینه بلکه بر خط اغماض چکدیلر . انجق بوکون هیأت حکامه بر حق
 و بر وظیفه ترتب ایدر . بو حق و وظیفه ندر ؟ استبداد زماننک امر و آنها ایلیکی غدر و
 ظلمی مشروطیت حکامنک تصحیحه مجبوری تی دز . اوت وقتیه صنادید حریتی محکوم ایتیه مأمور
 ایدیلان حکام بزه خطاباً « بز خوف جان ایله کرها بر خطاده بولندق » دیسلر بزه کندیلرینی
 بو وجهه معذور کورسه ک شوزمان مشروطیتده خطای ماضینک تعمیرینی آنجق سزدن بکلیه جکز .
 سزک باشیکزک اوستنده بر سیف ظالم یوق . سزک فوقکزده دور استبداد نظاری یوق
 سزک یمین و یساریکزده انکیزیسیون مدیرلری یوق . سزک اطرافکزده خفیۀ طابورلری یوق
 سزلر بوکون هرکونا مداخله و معارضه دن آزاده اوله رق استقلال وجداننه مالک برر
 مشروطیت حاکمسکز . بز طلبمزی هم محق و همده قانونه موافق بولیورز . سز قانونی
 کوزیکز اوکنه آلهرق و الکنزی قلیکز اوسته قویارق یالکز وجدانکزک احکامنه اطاعت
 ایده جکسکز . بو دائره ده تقدیر و تعیین وقوعاته حر و عادل عثمانیلرک حر و عادل حاکملری
 اولدیغکزی اثبات ایدیکز افدیلم .

مدحت پاشا مخدومی علی حیدر مدحت و سلطان عبدالعزیزخان حضرتلرینک

ایکنجی ماینجیسی فخری بکلرک و کیلرندن

عزبانطرس





TURK TARİH KURUMU

10



3
100